

列
朝
詩
集

列朝詩集

丁集第十二

震川先生歸有光 二十一首

徐記室渭 一百七十一

湯遂昌顯祖 一百三十五首

覺李至清三首
神思前機四首

表庶子宗道 四首

表稽勲宏道 八十七首

表儀制中道 九十九首

覺雷簡討思需 一十首

鍾提學惺 二十六首

覺譚解元元春 五首

王僉事思任 一首

震川先生歸有光

有光字熙甫崑山人九歲能屬文弱冠盡通六經三史六大家之書浸漬演迤蔚爲大儒嘉靖庚子舉南京第二人爲茶陵張文隱公所知其後八上春官不第讀書談道居嘉定之安亭江上四方來學者常數百人海內稱震川先生不以名氏乙丑舉進士除長興知縣用古教化法治其民每聽訟引兒童婦女案前刺刺吳語事解立縱去不具獄有所擊斷寢息直行其意大吏多惡之有蜚語聞量移通判順德隆慶庚午入賀新鄭內

江推知熙甫引爲南京太僕寺丞留掌制敕修世廟實錄熙甫宿學大儒
久困郡邑得爲文學官給事館閣欲以其間觀中秘未見書並肆力於著
作而遽以病卒年六十有六熙甫爲文原本六經而好太史公書能得其
風神脉理其於六大家自謂可肩隨歐曾臨川則不難抗行其於詩似無
意求工滔滔自運要非流俗可及也常是時王弇州踵二李之後主盟文
壇聲華烜赫奔走四海熙甫一老舉子獨抱遺經千荒江虛市之間樹牙
頰相楮柱不少下嘗爲人文序詆排俗學以爲苟得一二妄庸人爲之巨
子弇州聞之曰妄誠有之庸則未敢聞命熙甫曰唯妄故庸未有妄而不
庸者也弇州晚歲贊熙甫畫像曰千載有公繼韓歐陽余豈異趨久而自
傷識者謂先生之文至是始論定而弇州之遲暮自悔爲不可及也熙甫
沒其子子寧輯其遺文妄加改竄賈人童氏夢熙甫趣之曰亟成之少稽
緩塗乙盡矣刻旣成賈人爲文祭熙甫具言所夢今載集後季子子慕字
季思以鄉舉追贈待詔孫孫昌世字文休與余共定熙甫全集者也嘉靖
末山陰諸狀元大綬官翰學置酒招鄉人徐渭文長入夜良久乃至學士
問曰何遲也文長曰頃避雨十八家見壁間懸婦有光文今之歐陽子也

迴翔雖誦不能舍去是以遲耳學士命隸卷其軸以來張燈快讀相對歎賞至於達旦四明余翰編分試禮聞學士爲具言熙甫之文意度波瀾所以然者熙甫果得雋熙甫重生乎知已每叙張文隱事輒爲流涕豈未有以文長此事聞於熙甫者乎爲補書之於此

南旺

嗟我南行舟日夜向南浮今日看汶水自此南北流帝下忽已遠落日生暮愁當年宋尚書廟貌崇千秋丈夫苟逢時何必無大猷歟八學禹貢胸中羅九州杖策空去來令人笑白頭嘗疑伯顏策毋乃非令謀洪範天錫禹大道行箕疇五行有汨陳三事乃不修鯀隄日以興百川失其由不見徐房間黃河載高丘

沛縣

泗水抱城堙東去日漣漣豐沛至今存漢事已千春嗟我亦何爲獨歎往來頻封侯不可期白日坐沉淪每見沛父老旅行泗水濱空傳泗水亭井邑疑未真城外綠楊柳高帘懸風塵猶有賣酒家王媼幾世親高廟神靈在英雄却笑人

自徐州至呂梁述水勢大畧

黃河漫徐方原野層波生萬人化爲魚凜然餘孤城僅見沮洳間檐楹半
頽傾日月照蛟室風波接蜃岷侵薄連羣山浩蕩烟霞明山迴時復圓孟
益涵光晶忽然觀開豁天末翠黛橫此來頓覺異日在江湖行呂梁遂安
流泯泯無水聲狼牙沒深沉一夜走長鯨三洪坐失險蛟龍不能爭乃知
房村間尚未得渴傾如人有疾病腹堅中膨脝空役數萬人績用何年成

鯉魚山

鯉魚山頭日日落山紫赤遙見兩君子登岸問苦疾此地饒粟麥乃以水
蕩潑水留久不去三年已不食今年雖下種濕土乾芽茁因指柳樹間此
是吾家室前月水漫時羣賊肆狂獮少弟獨騎危射死五六賊長兄善長
鎗力戰幸得釋因示刀箭痕十指尚凝血問之此何由多是屯軍卒居民
亦何敢爲此強驅率始者軍掠民以後軍民一民聚軍勢孤民復還劫卒
鯉魚山前後遂爲賊巢窟徐沂兩兵司近日窮勦滅軍賊選驍健叱呼隨
主帥民賊就擒捕時或有奔逸其中稍黠者通賄仍交密以此一月間頗
亦見寧謐二人既別去予用深歎息披髮一童子其言亦能悉民賊猶可

矜本爲饑荒迫軍賊受犒賞乃以賊殺賊吾行淮徐間每聞邳州卒荆楚多剽輕養亂非弘策

邳州行寄友人

去年河溢徐房間至今垣闕之土高屋直漵漶千且可蕭然荒冗紛紛道邊牽挽小車載家具穴地野燒留處處丈夫好女乞丐不差恥五歲小兒皆能開跪起賣男賣女休論錢同牀之愛忍棄捐相攜送至古河邊回身號哭向青天原田一望如落鴉環坐蹣跚掘草芽草芽掘盡樹頭兒歸家食人如食豚今年不雨已四月二麥無種官儲竭近聞沂泗多嘯聚邳州太守坐調兵食愁無計烏鴉羣飛啄人腦生者猶恨死不早自古天下之亂多在山東況今中扼二京控引江淮委輸漕注于其中王會所圖禹貢所供三吳百粵四海之會同若人咽喉不可以一息而不通使君宣力佐天子憂民痼深謀遠慮宜一知其所終無令竹帛專美前人功

甲寅十月紀事二首

滄海洪波撼蠻夷竟歲屯羽書交郡國烽火接吳門雲結殘兵氣潮添戰血痕因歌祈父什流淚不堪論

經過兵燹後焦土遍江村滿道豺狼跡誰家雞犬存寒風吹白日鬼火亂
黃昏何自征科吏猶然復到門

乙卯冬留別安亭諸友

阻勉復行役殷勤感故知悠悠寒水上獵獵朔風吹彈雀人多笑屠龍世
久嗤往來誠數數公等得無疑

丙辰自南宮下第還避倭往來無定居親交少至獨有一二同志
時來問學

江鄉卜築又城闌春去秋來似雁臣總是寂寥楊子宅如何更有問奇人
讀佛書

天竺降靈聖利益其在此雪山真苦行九惱尚纏已非徒食馬麥空鉢具
可恥紛紛旃茶女謗論或未已不知手指中猶出五獅子

自海虞還阻風夜泊明日途中有作

百里見青山言旋諒非徐風波仍木宿龍蛇驚夜居明發尤慘淡川途尚
修紆水駛凌方約雲寒日未舒彌亘多芳艸寂歷少畋漁寒光冒明湖朔
風轉高墟舊事成往跡餘生惟讀書古人不可見歲莫安所如

壬戌南還作

半月困漳衛今旦望鄒嶧景風時迎舟積水不盈尺行路日淹留
思逾急迫昔往冒飛雪今來見秀麥蘊抱無經綸徒旅空絡繹西苑方呈兔東
郡亦雨鰕番馬有假號建州乃充斥奈何唐堯朔不用買生策玄文改
處厄蠲監潤澤天命苟無常人生寔多僻去去勿復言牧豕在大澤

淮上作

長淮錢落日圓光正如赭傾紅注流波殊景不可寫淮水自西流黃河從
北下併合向東行終年無停瀉哀此千里客春至復已夏獨立空惆悵所
與晤言寡

瓊州張子的與余同年俱爲縣令江南子的自建德改當塗今入
覲又改榮縣一歲中三易縣居京師旅寓相近以詩爲別

嶺表生異人始與最開先余公亦掘起屹屹天聖間聖代丘文莊富學道
昔賢憶余童州時嘗聽家君言吾郡有桑生恃才頗輕儇公見卽識之進
獎席每前夫人出佩玉珍饌羅綺筵當時吐哺風與古能比肩公文根理
要不肯事纖妍奈何浮薄子輒爾論議喧子的來公鄉年往志愈堅共余

曲江宴面帶鯨海顏問公石屋在世業存遺編君今爲縣吏宦轍如郵傳
廟堂亦無意何以不少憐使君自天來萬里徃復旋君才豈不辦古道多
屯遭歎息時所尚爲廢循吏篇

奉托俞宜黃訪求危太樸集并屬蔣蕭二同年及長城吳博士
昔年宋學士嘗稱太樸文獨力撐頽宇清響薄高雲余少畧見之諷誦每
忻忻淡然玄酒味曾不涉世氛如欲復大雅斯人真可羣苟非知音賞宋
公安肯云嗟乎輕薄子狂犬方信信惜哉簡表亡家龍少所蘊徒爲嘗一
臠盈鼎未有分四賢宦遊地博達多前聞爲我一咨訪庶以慰拳勤

鄭家口夜泊次俞宜黃韵因懷昔年計偕諸公

飛沙竟日少光輝浪急風高月色微爲憶舍桃催物候尚淹行李未春歸
吳歌獨自彈長缺楚製堪憐著短衣來往常經鄭家口當時同伴共來稀
淮陰舟中晚坐寫懷二十四韻

清浦輕風渡赤日微雲遮昨問圮橋履今卽下邳街淮酒市醺醺楚音雜
琵琶二麥吐新穗百艸敷繁葩紛披盈廣陌離韃被平沙寂寂坐向晚悠
悠思轉加先皇昔在宥世道尚亨嘉朝廷制作盛公卿議禮譚庶僚或登

庸諸生多起家寒拙遭時廢徒再謝年華不得寄一命空懸讀五車迨乎
鴻羽漸幾將龍馭遐覽有青雲望奈何白髮髭黽勉小縣吏奔走大府衙
循已常黯黯看人方呀呀何地棲鸞鳳並處混龍蛇世途行益畏吾生固
有涯萬事已如此一官豈足賒行矣歸去來莫使微名污平泉記艸本寢
丘任舊畬補亡綴狸首考古注君牙期以餘日月方將檻雲霞自是性所
適良非爲世誇苟無媿尼父或可俟侯芭

贈星人胡竹軒

竹軒曉星晷解荆究玄理試以斯養卒一一見出處予欲老江干因君忽
會起戒塗上帝京老驥思千里吾豈富貴徒此意共誰語君來訪我時冰
雪蹠穿履風吹漆紗巾使我常念汝

磧砂寺

望見石柱立知是招提址蓮宇已燹蕩土墻何迢遞淡淡遠天色梅花帶
寒雨溪迴竹樹交風吹鳥雀起日暮湖波深蒼茫白雲裏

十八學士歌

十八學士誰比方爭如珊瑚璣登明堂立本丹青褚亮贊至今遺事猶焜煌

有隋之季天壤圻英雄神昧皆侯王真人揮霍靜區宇遂偃干戈興文章
天策弘開盛儒雅羣髦會萃皆才良丈夫逢時能自見智謀藝術皆雄長
惜哉嘉猷亦未遠風流猶自沿齊梁吾讀成周卷阿詩吉士藹藹如鳳凰
能以六典致太平遠追二帝軼夏商唐初得士宜比迹胡爲致治非成康
中間豈無河汾徒瞻邈師門竟不揚吁嗟房杜已如此何恨薛生先蚤亡
奉酬馮太守行視西山關隘次宋庄見棄田有作

雲代搏胡兵千里羽書亟戒隣畏明牧循山轉危躋通谷數行迴在所皆
行至獫狁雖匪茹中國亦有備所悲雲漢詩餘黎靡孑遺今歲洪水割懷
襄頗不異巨浪落高崖排蹙萬石墜周原昔撫撫一朝化磧地野老向天
哭前古所未記迢迢孤嶺絕習習陰風吹月明清霜白虛館不成寐何計
卹疲氓賦詩以言志往往展卷讀紙上見殘淚昔聞春陵行今人豈軒輊
余亦黍祿食空爾徒歎歎

題異獸圖

昔年曾讀山海經所稱怪獸多異名仲尼刪書述禹貢九州無過萬里程
搏水青羌何以至作益所疏疑非真西旅底貢召公懼作書訓戒尤諄諄

周史獨著王會篇唯肝百怕來殊庭載筆或是誇卓犖傳久孰辨僞與誠
雖然宇宙亦何盡環海之外皆生人陰陽變幻靡不有異物非異亦非神
曾聞漢朝進扶拔唐時方貢來東旌壹角馬尾出絕壁綠毛忽向人間行
近代所聞非孟浪往往史牒皆有徵今之畫者何所似毋廼誕漫不足憑
攷古圖記豈必合任情意造皆成形畫似可作九尾赤首圖題隨丹青
嗚呼孰謂解衣盤薄稱良史不識駟牙與麟趾

徐記室渭

渭字文清更字文長山陰人十餘歲做楊雄解嘲作釋毀爲諸生十餘年
胡少保宗憲督師浙江招致幕府筦書記海上獲白鹿二少保屬文長艸
表并他幕客所撰郵致所善某學士學士以文長表進上覽之大說並寵
異少保少保亦以是益重文長督府勢嚴重文武將吏莫敢仰視文長戴
敝烏巾衣白布漣衣非時直闖門入長揖就坐奮袖縱譚幕中有急需召
之不至夜深開戟門以待值者還報徐秀才方昵飲大醉叫喚不可致也
少保聞顧稱善文長知兵好奇計少保餌王徐諸虜用間釣致皆與密議
當是時上方崇禱事急青詞當國者謂文長文能當上意聘致之文長知

與少保有鄰弗應少保下請室文長懼及發狂引巨錐刺耳刺深數寸流血狼籍又以錐擊腎囊碎之皆不死妻死輒以嫌棄婦又擊殺其後娶者論死繫獄憤懣欲自殺張官諭元怵力救乃解南游金陵北走上谷縱觀邊塞阨塞屬虜營帳貫酒悲歌意氣豪其與寧遠諸子游皆兒子畜之入京師館宮諭邸舍官諭校校引禮法久之心不樂時大言曰吾殺人當死頭一茹刃耳今乃碎磔吾肉遂病發棄歸棧戶不見一人挾一犬與居絕穀食者十年人問之曰吾歟之久偶厭不食無他也官諭死白衣往吊撫棺大慟不告姓名而去諸子追及之哭而拜諸塗小垂手撫之不一語十年裁此一出耳貧甚鬻手以食有書數千卷斥賣殆盡憐筦破弊藉藁以寢年七十三卒文長貌修偉白皙音朗然如唳鶴中夜呼嘯有羣鶴應焉讀書好深思自謂有得於首楞嚴莊列素問參同契諸書欲盡斥注家膠英獨標新解艸書奇偉奔放盡花艸竹石超逸有致嘗言吾書第一詩二文三畫四有闕編櫻桃館諸集文長譏評王李其持論迥絕時流文長歿王李之焰益熾無過而問焉者後三十餘載楚人袁中郎游東中得其殘帙示陶祭酒周望相與激賞謂嘉靖以來一人自是盛傳於世周望序其集曰

文長文類宋唐詩襟入于唐中晚自負甚高於世所稱主文柄者不能俯
出游其間而時方高談秦漢盛唐其體格弗合也然其文實有矩度詩尤
深與往往深于法而畧于貌古之窮士如盧仝孟郊梅堯臣陳師道之徒
所爲或未能遠過也中郎則謂其胸中有一段不可磨滅之氣英雄失路
托足無門之悲故其詩如嘆如笑如水鳴峽如鍾出土如寡婦之夜哭聽
人之寒起當其放意平曠千里偶爾幽峭鬼語幽墳微中郎世豈復知有
文長周望作文長傳謂中郎徐氏之桓譚詎不信夫

與楊子完步浣紗溪梁有懷西施之鄉

明月照江水截梁與子步當時如花人曾此照鉛素江流不改易月亦無
新故薄雲淡杪林晴沙泛寒露借言伊人閒應在烟生處

泛舟九曲

老王亂青冥皇天夜遺蛻餘骨散九州頭顱此焉寄人視萬劫餘天意一
夕計遊艇沸滄波髮髯熱營衛亭午入數折冲然元氣閉縣言昇羽人毛
竹倚仙姊辟彼齒牙氣生死觀醵內世人不解奇但識世間爭示之帝所
遺惟以溪山勝

丙辰八月十七日與省甫侍師季長沙公閱龜山殿地遂登同符

觀潮

白日午未傾野火燒青吳蠅母識殘腥寒屏聚秋艸海門不可測練氣白
於擣望之遠若遲少焉忽如掃陰風噫大塊冷艷擗長島恠沫一何繁木
與木相澡玩弄狎鬼神去來準昏曉何地無恢奇焉能盡博討

沈叅軍青霞

參軍青雲士直節凌遠古伏闕兩上書裸裝三弄鼓萬乘急宵衣當廷策
強虜借劔師傳驚駑座丞相怒道愜辱帥臣籌邊著詞賦截身東市頭名
成死誰顧

入燕三首

董生抱利器鬱鬱走燕趙賤子亦何能飄然來遠道行止本無常譬彼雲
中鳥朝飲西園池暮宿北林杪感事復懷人生年苦不早欲吊望諸君跡
陳知者少垂首默無言春風秀芳艸

荆卿本豪士漸離亦高流舞陽雖少小殺人如芟苗壯然三匹夫挾燕與
秦仇悲歌酒後發涕下不能收猛氣驚俗膽奇節招世尤見者徒駭顧

能諒其由我生千載後細茲如有投時違動自妄忽作燕京遊短褐入沽
耳酒至思若抽念彼層與敗零落歸山丘皇皇盛明世六轡控九州七首
蝕野土廣道鳴華輶寸規不可越安用軻之儔我思遠及之曠若林與鶩
鳳鳥不可得蒼鷹以爲求

大鵬奮南徙豈爲北海籠越鳥不逾南見與胡馬同自愧無垂雲搏彼滄
溟風猶能勝鵬鶴與濟相始終上林多喬枝萬羽亦足容匝樹繞不棲
附南飛鴻春冬遞遷謝倏忽兩月中臥席不得煖來往何憧憧

刈圃

艸孽始一寸及壯丈有餘豈直數卽帶兼以館蚊胥夜熱不可寐寧止不
露居竊恐值此輩股髀遭其咀就中擬厭罪蚊也尤其渠其他不出境惟
此遠迫趨穿幃眇純塵打撲不勝飭更番以迭進安得盡屠誅聚響苦不
震萬發啾唧雖工者攬夢寐一夕百起呼蚊孽罔莫遁草實主其通呼童
問腰鎌不用安所須雖此忽如掃一翅不得儲譬彼寒垣莽往往伏戎胡
不冰燒其荒窟穴空妖狐莫謂野人賤刈圃非雄圖

白鵬 錢子易書故曰上孫蓋修之後也

野性悅鳥魚客寓尚寵致正如好竹人借居亦栽蒔鷗鳥自南來買入西
河里王孫好法書籠以易吾字墨絲繡雪衣綠蜀作襦帔有時囀喉中鶯
若媚雲際日夕湖水波秋樹葉微紫送客不出門白玉掃長苔

越王嶂寺有僧歐梵號

伯圖既灰寒衲蛻亦禪冷都付望工泥迅矣千秋躡我來植桃花有似蝶
遺粉一宿歸去來晨齋飽蔬笋

柳元穀以所得晉太康間冢中杯及瓦券來易余手繪二首

券文云大男楊紹從土公買冢地一丘東極闔澤西極黃陂南極山背北
極於湖直錢四百萬即日交畢日月爲證四時爲伍太康五年九月廿六
日對共破剪民有私約如律令詳玩右文似買於神若今祀后土義非從
人間買也二物在會稽倪光簡冢地中於萬曆元年掘得之地在山陰二
十七都應家頭之西尚有一白磁獅子及諸銅器銅器出則腐敗矣獅尚
藏光簡冢

冢有黃泥甯杯紋色似之然非也 杯有柄似輩

遙思冢中人有杯不能飲孤此黃兔窖伴千三百稔券鏹四百萬買地作
衾枕想當不死時用物必弘甚尊壘羅寶玉裹袂賤繡錦豈有織織指捧

此鍛泥蕈存亡隔一丘華寂迴千仞活鼠勝死王斯言豈不審
古人笑不飲此說豈無見五斗叫劉伶哀來淚如霰嗟彼太康子冢中亦
杯坵固知好飲徒無咎可澆噉杯出黃土中忽復受傾灌臂彼避秦人乃
不知有漢我欲學盧充詣市賣金盃庶幾遇小姨知是崔氏玩

送蘭公子

阿翁學師也揚州人

耶溪芹藻色相伴秋荷老公子竭重來傷心那可道會日苦無多相別一
何早八月廣陵濤一葉渡殘照

燕子磯觀音閣

青山如美人樓觀卽奩粧若無一片鏡妙麗苦不昌茲石一何幸值此江
中央上乘巨構支下集帆與檣朱碧得水鮮鳬雁拂波光烟霧不見海神
去萬里長我與三友俱兼以僮僕雙日西買市飯半道謝驢輶歸來乏燈
燭微雨沾我裳沽酒不成醉頽然倒方牀猶夢立閣中遙觀大魚翔

治冢二首

馬血爲轉燐人血爲野火何爲松栢間赤輪陟如跛人言鬼炬徵神者赤
而大騶導向空馳填雲盛旗馬枯冢僻且荒來遊則云那我欲往詢之恐

卽無可話隔河聞於菟黃犢夜在野一夫呼以馳炬滅松露瀉夜觀野火
千松間故云云

明器夜爲人幽宮盡婚壻此事容有之要非是常紀嘗聞掘冢徒自言習
見鬼齒骨滿百年比次作泥委水銀築長河魚膏燈玉几苦作沙丘儀未
免劫時毀客有明月珠一夕失所在黃金飾櫝箱洵美亦何濟

俠客

結客少年場意氣何揚揚燕尾茨菰箭柳葉梨花槍爲吊侯生墓騎驢入
大梁

道堅母哀詞

道堅母在時隨我遊五洩適當大雪辰衣濕不能熱道堅解衣我絮厚百
銖綿云是母氏慈每出必紉綴有婦非不勤母自嗜拮据去此不五春母
與子長別子來屬哀篇忽值天雨雪春候思桑條秋至感鳴鴈念昔濕衣
裳命管忘奸拙

送劉君

南雁正北歸君今復南去羽族如避炎君胡故觸暑嗟哉失路人安所避

辛苦而我亦同之臨岐淚如雨

上家

吾叔邵武公當年與我翁雙陪閩蜀守竹馬走兒童
歸來知幾日相繼歸
窀穸黃泥閉雪髭欲會那可得叔家城北居高棟亦彫題
邀賓夕駐馬爲
母日烹雞一朝桑海換不能保子孫負薪家上道養鴨水邊村我今六十
五仍高破角巾年年上爺家每每到孫家孫家留我坐孫婦辦湯茶以我
上豕牲啖孫且滿引連籬黃蝶飛抽籬高碧筍起視檐西東分簷住蜜蜂
問蜂窠幾許四十還有餘窠窠如不敗勝我十畝和

往馬水口宿烟麓陀庵

昔從良涿行茲山在雲際昨夕宿茲山雲乃出衣袂四徒夾一輿兩膝奉
至鼻一里轉百盤錯牙不得直結章以爲齋削木冒金髻夜鍾但超懸晨
雞聊一嚙巉巖旣高鶩噴噴復孤厲回思燕趙時築城過胡騎安得盡如
斯脫甲開戶寐

陰風吹火篇呈錢刑部

陰風吹火火欲然老梟夜嘯白晝眠山頭月出狐狸去竹徑歸來天未曙

黑松密處秋螢雨烟裡聞聲辨鄉語有身無首知是誰寒風莫射刀傷處
關門懸蠹稀行旅半是生人半是鬼猶道能言似昨時白日牽人說兵事
高旛影臥西陵渡召鬼不至毗盧怒大江流水枉隔儂馮將呪力攀濃霧
中流燈火密如螢饑魂未食陰風鳴髑髏避月攪殘黍幡底颯然人髮豎
誰言墮地永爲厲宰官功德不可議

楊妃春睡圖

守宮夜落胭脂臂玉階艸色蜻蜓醉花氣隨風出御牆無人知道楊妃睡
卓紗帳底絳羅委一團紅玉沉秋水盡裏猶能動世人何恠當年走天子
欲呼與語不得起走向屏西打鸚鵡爲問華清日影斜夢裏曾飛何處雨
射雁篇贈朱生

去年射雁黃浦口三軍進酒齊爲壽今年射雁復何處海船停沙大桅豎
君本臨洮豪傑士漢時六郡良家子作客羞爲堂下人射生慣落雲中羽
腰間束矢插兩房連年驅賊如驅羊轅門待士近不薄朝來歸興何洋洋
丈夫有遇有不遇去留之間向誰語

八月十五日映江樓觀潮次黃戶部

魚鱗金甲屯牙帳翻身却指潮頭上秋風吹雪下江門萬里瓊花捲層浪
傳道吳王度越時三千強弩射潮低今朝延上看傳令暫放胥濤掣水犀
述夢

伯勞打始開燕子留不住今夕夢中來何似當初不飛去憐鵲雄雌惡侶
兩意茫茫墜曉烟門外鳥啼淚如雨

二馬行

誰家兩奴騎兩驄誰是主人云姓宗朝來暮去夾街樹經過烟霧如游龍
問馬何由得如此淮安大荳清泉水胸排兩嶽橫難羈尾撒圓毬驕欲死
陽春三月楊柳飛騎者何人看者稀梅花銀釘革帶肥京城高帽細褶衣
馬厭養人有威出入顧盼生光輝去年防秋古北口勁風吹馬馬逆走
對壘終宵不解鞍食粟連朝不盈斗將軍見虜飽掠婦據鞍作勢呼賊走
士卒久已知此意打馬追奔僅得殼天寒馬毛腹無矢餓腸霍霍鳴數里
不知此處踏香泥一路春風坐羅綺

觀獵篇并序

王將軍邀予觀獵時積雨初霽飛走者避匿予從將軍諸騎士牽狗出郊

平門抵海寧沙上頃刻馳百餘里不見一雉兔而還乃割所攜鮮飲月唐寺中

茅刀割水嬌紅茜風偃寒梢隊長堰青林疎樹隔荒墳白水茫茫看不見將軍本是北平豪記得依稀身姓曹怕向揚州作貴客慣從下澤驟鳴鑣萬里秋郊平似舸千騎圍中一是我箭叫餓鴟龍騰快馬趁鹿逐麋解絛繫鎖耳後生風鼻頭出火自來此州殺賊不暇阜鵬氣銷韓盧魄墮昨見儒生衣長履大入揖令公揮金不謝抽筆制詞彎弓輒射住釋挾屠剗牛食鮮外枯中腴無所不可促騎請邀徵徒出野牽犬莫遲見兔輒打儻遇大兕一發斷標爲先生壽引滿十竿健兒跪領將軍言翻身上馬去如烟寶刀映日不足數角巾受風真可憐淺艸平堤水痕聚萬蹄避水移家去沙擁肥螯掠岸飛絲牽小豸當空乳漢將窮追路欲關胡家甌脫避何難今朝立馬祁連上不見匈奴一騎還

畫鷹

閩南縞練光浮膩傳真誰寫蒼厓勢生相由來不附人綠鞵空着將軍臂八月九月原艸稀百鳥高高兔走肥烟中斂翼遠不下節短暗合孫吳機

此時一中貴快意深林燕雀何須避
惟將搏擊應涼風誰貪飽鸞鈴山雉
昨見少年向南市買鷹欲放平原響
凡才側目飽人餒不似畫中有神氣
夜來鷗梟作精魅安得放此向人世
秋風一試刀凌翅

贈歌者

東風吹雨楊花落清歌細遶鳴鍾閣
斗酒將傾客不來白日斜飛晚雲薄
回腰欲舞不得舞試買羅衫倩誰估

正賓以日本刀見贈歌以答之

昨者呂君兄弟留余飲旬日盡是陳遵解投轄有如前日桐鄉之圍無呂
君却是睢陽少南八呂君虎腰額虎額萬櫓梯城雙臂格幕府廳前脚打
入夜報不周船一壁飛甍雨下完孤城張巡不死南八生五千步馬隨朱
纓手拍東海鳴金鉦解刀贈我何來者斷倭之首取腰下首積其如刀有
德焉君兄前人一把是日別君霞飛子佩刀騎馬三十里夜眠酒家枕刀
背見白猿弄清水把鞘還驚未脫底電母回身不敢視黑夜橫分芒碭
蛇清秋碎割威陽顛曆簡乃脫介俚世間寶物稀有此方蟬道人窮莫比
挂壁穿之崩綴耳人言寶刀投烈士呂君何不持之向燕市荆軻政粹

難致五陵七貴家家是報恩結義從此始却以投余據何理雄心如君莫可擬用以投余良有以夜夜酣歌感知已

錦衣篇答贈錢君德夫

蕭瑟風雲悲下雨丈夫自是人中虎罵座曾喧丞相筵槌鼓終埋江夏土南州有士氣不羈應科赴召靡不爲關中幕下豈所志有托而逃世莫知西河高士雙眼碧聞人多矣金在石獨許文章可將兵到處降旗出城壁渭也聞之笑開口渭才敢望諸君後小技元羞執戟人雄心自按調鷹手古來學道知者希今世誰論是與非嘯歌本是舒孤抱文字翻爲觸禍機君不見沈錦衣

石門篇贈邵大佩

君不見邵大佩家住石門天所買兩峯挾漢扶太陽十里爲波到滄海見君門明西郭外主人樓居清水帶一夜高論懸河流四壁古文蠹魚巢却說邵君赤城客挾策從師歲三改綠袖青衿美少年騎龍策鳳專相待邵君斂衿如欲前自言家住石門邊僊人不去桃花洞霞氣時流芳艸筵須臾抱筆加我手邀我題詩進我酒

賦得百歲萱花爲某母壽

二十年前轉眼事憶共郎君醉城市阿母烹雞饌夜進夜深燭短天如水
我母當時亦不嗔郎君過我亦主人兩家酣醉無日夜鐙愁甕怨杯生菌
只今勾首二十載我母不在爾母在八十重逢生日來雙扉况復門庭改
我今破網未番然兩翅猶在彈丸邊郎君髮鬢一紙阿母多應贊一言
上壽誰人姓張者圖裏萱花長不謝阿母但辦好齒牙百歲筵前嚼甘蔗

天壇

高皇乘此馬夕月今誤用之爲郊自省事見酉陽雜俎

張公當時騎白雀下與高皇共斟酌一從九鼎向幽燕碧壇空鎖琉璃斲
古松舊栢黑成迷綠瓦從中一雉飛揚雄不得陪郊祀空憶當年執戟時
龍駒遠自施羅來開平已死無人騎却付羽林誰健兒壓沙五石緩其蹄
真人雄心老更雄月中自控赴齊宮四十八衛萬馬中一塵不動五里風
黃栢太苦蔗太甘盛時文字忌新尖當時作頌卑枚馬付與金華宋景濂
十六夜踏燈與據仲玉王新甫飲于大中橋之西樓

樹枝盡月千條絃十五不圓十六圓桂向酒樓簷外邊南市好燈值底錢
大中橋上遊人坐不飲空教今夜過紅脂在口香在樓那能一箇到塢頭

青衫白馬無聊甚望斷黃金小鈿鞦

淮陰侯祠

荒祠幾樹垂枯葉黃泥落盡朱旗盡花桐漆粉綴鬚眉猶是登壇人未老
半生作計在魚邊纔得河隄老婦憐誰知一卷長竿去唾取真王只五年
暗中朱碧知誰是濁水渾魚每相似當時密語向陳稀更誰傳向他人耳
丈夫勲業何足有爲虜爲王如反手提取山河與別人到頭一鑊悲烹狗
寫竹贈李長公歌

山人寫竹畧形似只取葉底瀟瀟意譬如影裏看叢梢那得分明成个字
公子遠從遼東來寶刀向人拔不開昨朝大戰平虜堡血冷轆轤連鞘埋
平虜之戰非常敵御史幾爲胡馬及有如大酋之首不落公子刀帶冑諸
君便是去秋阮遊擊不死虜手死漢法敗者合死勝合優公子何事常憂
愁一言未了一歎息雙袖那禁雙淚流却言阿翁經百戰箭鏃刀鋒密如
霰幸餘兄弟兩三人眼見家丁百無半往往彎弓上馬鞍但有生去無生
還只今金玉光腰帶終是銅瓶墜井幹兼之阿翁不敢說曾經千里空胡
穴武人誰是百足蟲世事全憑三寸筆山人聽罷公子言風攻腰干漫

捫欲答一言無可答只寫寒梢捲贈君

劉總戎國輓章應乃子索

予言和戎非翁志也第八言不死于婦人之手也

胡塵不動天山沒胡兒拽馬求漢物壯士收翎鏃早鵬將軍射雁嬉青體
修髯三尺別沙塲苗葉金鎗插在窗間將馬革不得裹蓋向紅妝泣數行
雁門昔有李將軍公亦提符守雁門數奇數偶臬盧等必待封侯有幾人

琴高圖爲李敷衛賦

天上神僊寒紫虛人間毛穎不勝書乍聞弄玉騎青鳳又見琴高跨赤魚
千年古素粘蝴蝶蒼濤高處擎紅頰不知儂是畫中人欲請波臣後鱗鬣

漁樂圖

都不記創于誰近見湯君顯祖墓而學之

一都寧止一人游一沼能容百網求若使一夫專一沼煩惱翻多樂翻少
誰能寫此百漁船落葉行杯去渺然魚蝦得失各有分簑笠陰晴付在天
有時移隊桃花岸有日移家荻芽畔江心射鱉一丸飛葦梢縛蟹雙螯亂
誰將藋葉一筐提誰把楊條一線垂鳴榔起獺無人見逐岸追花失記歸
新豐新館開新酒新鉢新姜搗新韭新婦新雁斷新聲新買新船繫新柳
新鱸持去換新錢新米持歸新竹然新楓昨夜錯新火新笛新聲新莫烟

新火新烟新月流新歌新月破新愁新皮魚鼓悲前代新艸王孫唱舊遊
舊人若使長能舊新人何處相容受秦王連弩射魚時任公大餌剝牛候
公子秦王亦可憐祇今眠却幾千年魚燈銀海乾應盡東海腥魚腊盡乾
君不見近日倉庚少人食一魚一沼容不得白首渾如不相識反眼輒起
相彈射蛾眉入宮驥在櫪濃愁失選未必失自可樂今自不憚覽茲圖分
三太息噫嗟樂哉愧殺青箬笠

漂母非能知人特一時能施於人耳觀其對信數語可見而古今
論者胥失之予過其祠感而賦此

男兒餓隄陰上老嫠一飯來相餉自言祇是哀王孫誰云便識逢亭長
秦項山河一手提付將降準作湯池稱孤南面魂無主萬古爭誇漂母祠
穀日大雪口號二首寄南京

穀日之雪一何大一尺一半自昨夜望中飛絮已迷天安得猶窺鳳城瓦
橫街十丈滑如油短驢難踏轉生愁江邊總有梅花發詩客應無一箇遊
晴天好驢穩如坐鵝眼黃邊只十箇今朝百箇不騎早起懷人午將過
此時觀中楊道人三四黃冠擁火盆東邊殿閣高無數笑指瑤池白玉京

雪中騎驢訪某道人於觀追憶曩日棲霞之約

昨日雪深驢沒蹄今日雪晴驢可騎此時去訪楊道士青天猶壓楊花垂
太平門外雖多景莫妙梅花水清冷棲霞有約不得行孤負千峯老鴉頸

沈叔子解番刀爲贈二首

沈子報讐塞外行一詫便得千黃金買馬買鞍意不愜更買五尺番家鐵
鏤金小字半欲滅付與碧眼譯不出細瓦廠中多狐狸京師夜行不敢西
叔子佩之只一過蒿蒿連夜聞狐啼今年我從上谷行中丞遺我贈癸庚
買驢南歸只兩旬只愁馬上逢黃巾叔子見我無所仗解刀贈我行色壯
畢竟還從水道歸挂在蓬窗兩相向一日十拔九摩挲鞘影鱗鱗入向河
須臾報道漁竿外電脚龍騰五尺梭

知君本有吞胡氣太白正高秋不雨白蛇五尺自西來出匣不多幾欲去
佩此刀向遼陽土蠻畏死爲君降關氏縱有菱花鏡斷却蝥螬那得粧君
如歸此向上谷而翁之死人共哭黃酋亦重忠義人一見郎君悔南牧河
套雲中盡虜庭君如佩此去從軍不須血染鋒邊雪但見旗褰馬上雲看
君眼大額廣長有如日月挂扶桑君有寶刀君自佩解刀贈我不相當

寄鄉績溪仲玉爲錢氏門人

績溪縣亦神州赤闥君作簿無魚食誰能嚼肉過屠門瘦殺鸞栖一枝棘
近來二司自縣來覽君詩帙羨君裁高情欲併崔松館別體尤工漢柏臺
文成一線今將斷錢翁老死寒灰散十年半夜急傳燈西來衣鉢君應管
莫言小釜烹鮮魚莫言牛刀割隻雞眞儒不揀啼兒抱主簿同安是何誰
去年別君天真館我猶縛翅君飛遠只今縛解翅不長無由一奮來溪畔
司馬功高舊主人君與父母匪那隣墳頭松檟今何似匣裡弓刀暗却塵
由來壯士悲羅雀我亦因之感死魏今來已是十餘春金錢銀錢不一緡
我復何辭公不嗔會須上塚拊愁雲一哭裂却石麒麟下來與君談苦辛

四張歌張六丈七十

開元之唐有張果乃云生長陶之唐師漢帝者張子房子房之後有張蒼
張蒼之齡百餘許老夫牙齒只吃乳夜夜枕前羅十女子房倖穀祈不死
先師黃石公後約赤松子張果騎驢驢是紙明皇藥果杯酒裡果齒焦黑
如漆米起取如意敲落之新牙掛玉光如洗三郎驚倒謂玉環我欲別爾
渡海尋三山玉環淚落君前梨花春雨不得乾緊彼三仙人是君之祖君

是孫今年已五臘嘉平正君七十之生辰三祖消息雖寥寥桃仁傳種還
生桃兒君作詩句多警又如爾祖張三影三影詩翁八十餘此時特娶如
花姝正宜七十張公子夜夜香衾比目魚

十月望十二月朔百舌羣鳴連日臘朔之夜雷電徹曉大雨兩月
鄉村人來說虎食人經秋不去

萬曆十八年十二月之朔百舌聲聲叫如昨如朋與友互答應乃走氣機
使然諾百舌小鳥爾顚顚使之敢不聽雷電本大物蟄藏已久矣何爲十
一月徹夜殷殷令人驚電入我窗兩三劃我疑是燈還未滅起看燈花已
落油已乾始知是電耳非闌燈之殘氣候變遷亦常事山林老翁閑料理
十月十一月連月苦大水十二月來還未止猛虎食人如食豕百物價高
寧倍屣我亦左聽右出耳信知十說九是詭不飲不啖拚已矣賓來賓去
無將迎攜榼提壺見好情諠談不把蒼毛塵偶語惟禁白玉京几筵屏帳
無家火鞋襪衣衫多補丁噫嘻吁百鳥之語誰能解百舌鳴冬或報瑞年
來世事惟反常常反惟安得公治來爲鳥譯出令人快我所解者提胡盧
技頭勸我隣家沽提胡盧不知吾少青蚨

銅雀妓

重泉鑽玉燕閣燭繞金蛾君銷陵柏土妾斷似松蘿薦夢無雲雨留香別
綺羅願爲銅雀瓦牛死托漳河

琉球刀

時容寄山

單刀新試舞雙劍舊能輪雨過腥聞血風旋雪裏身對鏡歸思動挂壁
緱塵醉後時橫看終當贈與人

春日過宋諸陵二首

素苑未須脩生時已播遷威儀非舊典世代是何年過客悲山鳥土孫種
墓田回看隴頭樹似接汴京烟

落日愁山鬼寒泉鏹殞宮魂猶驚鐵騎人自哭遺弓白骨夜半語諸臣地
下逢如聞穆陵道當日悔和戎

金客

君是鄰兒非黃須短褐衣單身亡命去虜首賣錢歸業曠家人棄門寒結
客稀自知終有用窮巷且藏機

賦得戰袍紅

時少保公得項臚判製袍命賦

海廟淙啼猩征袍製始成春籠香共疊夜帳火俱明自與鵝旗映還宜蟒
繡繁戰婦新月上脫向侍兒擎

嚴先生祠

碧水映何深高蹤那可尋不知天子貴自是故人心山霽消春雪江風灑
暮林如聞流水引誰識伯牙琴

懷陳將軍同甫

時鎮漢

漢鑿昆池于長安而將軍親見於漢成一

飛將遠提戎翩翩氣自雄椎牛千嶂外騎象百蠻中銅柱華封盡昆池漢
鑿空雁飛真不到何處寄秋風

初入京瞻宮闕

城中夷夏極天上帝王家西內宸居逼南都地餘曷啼御溝柳絮散閣
門花昨到貧方朔封書載幾車

聚法師將往天台止其徒玉公庵中余爲留信宿

玉芝

欲向天台去先爲剡水尋秋行萬山出夜宿一庵深燕語調花氣猿啼帶
講心年年石梁興送爾益沈吟

哀周鄭州沛二首

莫以拘攣輩交攻放達偏窮如知老後樂似久年前匣藻鮫俱泣園花石
共遷傷心能幾輩教我不潸然

雪涕尋前詔敲門憶昨晨梟盧呼未歇蝦蟹醉仍頻日者過荒館霜顛破
角巾飄零淒如此昨日故將軍

賦得風入四蹄輕四首

前總戎嘗騎千里馬風掣其衣僅存襟背
又云趙總戎亦然後三章云

駿馬四蹄風形容有杜公一塵不動外千里颯然中白艸連天靡蒼鷹踞
翅從檀溪不須躍隨意過從容

愛妾換初調將軍慕紫駟颯颯只聞響陣陣不禁秋練影難長曳房星易
一流路旁看不細多是失回頭

借將從虎物并去翼飛排戍削纔辭極前轟已破圍寒呼隨跳起黑旋裏
鞍飛曾聽將軍說雙雙碎鐵衣

赤驥本龍精行時不是行看遲八尺影過急一團聲帶烙成駢死嘶鹽了
此生孫陽何處是淚盡大行程

道場山贈栖雲禪者

古塔臨空竇閣欹雲峯上去路逶迤山田修稻僧人出湖水行舟落葉移

風靜易翔施飯石日斜魚聚放生池遠公心地元無住却共飛雲此住持
君從

君從閩海下南昌正值中官降玉皇龍號真人親拜斗繡衣使者自焚香
壇中祝壽千官滿官裏傳播兩道長不是薄遊江海客何由得觀此輝光
九重

九重憂隱德如湯禱祀壇傍夜有光旱魃正逢周甲子神君俱集漢明堂
繡成旛蓋虹雙引挂定琉璃水一行聞說詞臣咸萃止抽毫拂素侍君王
保安州寄青霞沈君

終軍情慙幾時平遠放窮荒尚有生兩疏伏階真痛哭萬人開幕願橫行
朝辭邱第風塵暗夜度居庸塞火明縱使如斯猶是幸漢廷師傳許誰評
奉送同府潘公募兵廣東二首

使君佐郡嚴行春開府知名下令新手挈萬金收死士身藏半綬見鄉人
部分卷甲趨春雨弩矢成行夾盡輪引向轅門投謁罷試看王客集魚鱗
親承節命遠徵兵暫侍高堂錦服明橫海舊多經戰士挾斜新識少年名
宿依山店樵蘇寂行負藤干結束輕來往莫須愁道遠明春專待破番營

寓穿山感事

荒城臨海一山圍何事東方滯衰衣曉日每看牙將集秋風自送遠人歸
霜寒戍艸嘶征馬潮落江門露釣磯欲請長纓何處是且尋酒伴扣荆扉
從少保公視師福建抵嚴宴眺北高峰同茅大夫沈嘉川

晉公雅望復英姿坐領樓船遠視師夜半自平淮蔡自秋深同上華山時
昌黎侍裴晉公征軍營列岸江全遠騎火穿林席屢移却說陪遊賓從美
雅恭信遊華題名不妨帳底有風吹

與客登招寶山觀海遂有擊楫岑港一窺賊壘之興謹和開府胡
公之韵奉呈

滄海遙連雉堞明登臨喜共慕賓清千山見日天猶夜萬國浮空水自平
不分番夷營別島願圖方畧至金城啼來正值傳飛捷露布催書倚馬纓
宿長春祠夜半朱君扣榻呼起視月

長春明月夜闌干起視當眉尺五間千里林光俱浸水一杯江氣亦浮山
似聞隔岫吹長笛欲喚真官語大遼忽憶廣寒清冷甚有人孤佩響珊珊
恭謁孝陵正韻漢高仿勝皇祖而以少文終其身故五云然是日
陵臨界陳先事

二百年來一老生白頭落魄到西京
疲驢狹路愁官長破帽青衫拜孝陵
亭長一杯終馬上橋山萬歲始龍迎
當時事業難身遇馮伏中官說與聽
答贈盛君時飲朝天宮道院

長安道院一牽裳司馬筵中再舉觴
柿葉學書才不短杏花插髮意何長
藥沉綠醕家厨釀霜折紅蕉道觀房
坐裡黃冠三兩輩醉來相與說先皇
宮人入道明月宮女名

紅陽隊裡混鉛華垂老叅師日半斜
不向秋風怨團扇却教明月進琵琶
朝留楚簞身為雨夜繡茅君線作霞
見說緱山開姊妹尚論恩寵舊誰家
李長公邀集蓮花峯

馬水雄關天畔開貂儲暇日更登臺
高山似爲遮胡設折磴偏能勒騎迴
杯杓催時嚴黑雨琵琶隔座攬輕雷
須臾捲地寒風急似送荆卿易水來
邦憲死朱氏而侯

遠從黃浦白波邊淚盡枯魚黑索前
共許相逢還幾度詎知此別卽千年
白楊樹下多風起廣柳車中少客眠
見說吳門塘上曲纔歌高士卽潛然
送鄭職方

高皇寶鼎北平遷羽衛猶屯萬竈烟養虎最宜防猝餓調鷹莫更使多眠
長江水綠千矛閃大樹旗紅一的縣匹馬不嘶穿壘過知君此際氣翩翩

贈遼東李長君都司

公子相過日正西自言昨日破胡歸寶刀雪暗桃花血鐵鎧風輕柳葉衣
百口近來餘幾個一家長自出重圍禪關夏色炎如此聽罷悽霜雜霞飛

徐州

將登黃樓問東下之婦

今歲青青隴麥稠去年河水過堤流無家不自波中出有幣都經樹杪遊
聚葉雙扉詢翠袖柳根一面護黃樓泗州潭底獼猴老不信今還鎖泗州

駕歸自閩蔡望于衢恭賦

三月三日

桃李晴曛禁苑烟鑾輿新幸北郊旋團花鞞韜蒐春日細柳旌旗拊髀年
一道甲光將雪借千羣馬色截雲鮮誰兼將帥爲天子共喜文皇九葉玄

壽吳宣府

近來宣府息烽埃台吉求生歛鎮臺笑引雙椎胡女拜傳呼萬帳令公來
艾年佩鵲寧非早燕省垂魚不待推報與江南春逗題詩寄處隴梅開

燕子樓

牡丹春後惟枝在，燕子樓空苦恨生。昨淚幾行因擁髻，當年一顧本傾城。
分爲翡翠籠俱老，訝道泉臺伴不成。猶勝分香亭上妾，更無一個哭西陵。

駕幸月壇羣望西街

玉露清秋湛碧空，金輿夕月引羣工。紅雲自結龍文上，彩仗如移生影中。
壁畔常儀端捧匱，郊西新魄正垂弓。布衣久分華山僦，笑向清驄墮曉風。

九月十六日遊南內值大風雨歸而雪滿西山矣石橋魚龍

物乃三寶大
寶殿神音

寶樹瓊臺夾梵輪，星壇月宇詎非神。從來天上游俱夢，說向人間恐未真。
風雨故梢銅網翼，魚龍欲活石橋鱗。尋詩正是迴駢處，忽雨西山雪照人。

聞都督再還山西武寧

胡牀雪夜斗牛裘，親待回探夜不收。薊北咽喉此爲最，山西將帥爾稱優。
千金粉面捐廝養，百韞朱提買絳頭。倒死滿欄姑諾諾，大宛終敗匿驂騑。

自全道走居庸，雪連峯百仞橫。障百折銀色，是是故來撲人中。一
道亦銀鋪也，坐小兜冒以紅氈。疲羸數頭，匣劍及書相後先。水氣
栗冽肌栗，晶晶如南夏。痲瘥苦吟凍，肩信聲憊甚矣。却驪得在荆

關圖畫中浮生半日

昨夜飛花苦不多朝來起視白糞糞一行裘帽風中去半日關山雪裏過
銀髻望夫高入漢玉屏隨客折成河中開一道明如線四角紅塵擁數騾
重修乾清宮民迎慈聖再御輔臣用此題選翰庶賅予客京師漫賦
閨闔重新紫極熙姬姜再御寶軒移慈顏既近趨承易聖體猶冲保護宜
烏換歌筵前日山花鯨輦路舊時枝一人奉養兼天下大孝鴻名萬古垂
讀文信公仙巖祠集焚弔

毋疑天意不分明枉殺呼天問屈平諸葛既難扶後主廬陵何用產先生
停舟此夜艱危地出戶當年歎息聲腦子不靈尤怪事竟將腔血灑燕京
寄上海諸友人

雙魚歲晚渡江津筵飯狔羹又換春棄印可望天上客射書元屬海東人
天愁夜暮鈴偏急柵暗縹藤鼠正巡湖水萬重蘭芷隔因君還上佩芳身
清涼寺云是梁武臺城

蕭梁臺殿一灰飛薜蘿清明雉兔肥腹榜幾更金剝字饑魂應爛鐵城圍
東來鏡折龍潭水北去蘆花燕子磯千古興亡真一夢隔江開數募鴟

蘭亭次韻

相傳蘭亭爲蘭亭記擬開百花一時盡開

長堤高柳帶平沙無處春來不酒家
野外光風偏拂馬市門殘帖解開花
新觴曲引諸溪水舊寺巖垂幾樹茶
回首永和如昨日不堪悵望晚天霞

某君見遺石磬

泗上歸來動隔年親提浮磬與冷然
一除梵版裁雲俗再扣哀鵬達竹圓
老去固難腰似折貧來直到室如懸
閒窗重理當時架數杵香殘客話邊

伍公祠

吳山東畔伍公祠野史評多無定時
舉族何辜同刈艸後人却苦論鞭尸
退耕始覺投吳早雪恨終嫌入郢遲
事到此公真不幸錫鏤依舊遇夫差

岳公祠

墓門朱戟碧湖中湖上桃花相映紅
四海龍蛇寒食後六陵風雨大江東
英雄幾夜乾坤博忠孝誰家俎豆同
腸斷兩宮終朔雪年年麥飯隔春風

訪李岫巖山人於靈隱寺

時被繫七年無故有未旬

岫巖詩客學全真半日深山說鬼神
送到澗聲無響處啼來明月滿前津
七年火宅三車客十里荷花兩岸鷗
鳬渾似昨就中應有舊相親

某伯子惠虎丘茗謝之

虎丘春茗妙烘蒸七碗何愁不上升青箬舊封題穀雨紫砂新罐買宜興
月橫三弄細攪松風地一燈合向吳儂彤管說好將書上玉壺冰
錢王孫餉蟹不減陳君肥饌酒而釀之特旨

臘上用字換霜螯待詔將書易雪糕併是老饕營口腹省教半李奪蟬螯
百中生死鸕鷀杓一殼玄黃玳瑁膏不有相知能餉此止持齏脯下村醪
文詔却唐王黃金數笏而小人持一卷糕索字肉之

上督府公生日詩并序

嘉靖己未秋九月廿有六日恭逢督府明公之生辰於是文武吏士及鄉
大夫士若耆舊賓客以公自鎮撫以來功在東南者實大且遠乃相與各
抱其所有以爲公長又祝而公於今年春夏之交受諸道告捷之後奏凱
天闕戢兵海隅民物熙和旬宇清廓惟茲嘉誕滿屆其時萸菊交芳天日
俱朗旌旗應爽氣而彌肅饒吹協商殿而並遠應者雲集萬衆一辭比之
往昔益爲隆盛某小子叨沐寵榮間嘗一佩筆操鉛以奉侍幕下雖愚賤
少文不敢自附於衆人之後至於仰清光祝久遠其心固無異於衆人也

謹撰長篇一首凡百句奉伏門下以充獻壽之禮自知拙陋無所發揮然
慕戀恩私忻喜盛事自不能已於言耳

遠曙輕籠海色蒼涼颺新薦菊英黃清秋此日逢華誕繡綵當年遶異香
地與人文增氣象天爲王國產禎祥壯猷未老如方叔秘畧曾傳似子房
初捧兵符分虎竹再銜使命馭龍驤森羅島嶼諸夷會鎖鑰門庭一面當
刁斗不傳人自樂牙旗欲動勢偏楊雄豪定遠遙辭漢寬大汾陽近在唐
管領華夷新士馬掃平吳越舊封疆曾先突騎重圍裡親式鳴蛙大道旁
已遣嚴兵營細柳更教長劒倚扶桑三承寵錫恩何渥一受深知德愈光
定有姓名題御扆每勤賞賜到遐荒千齡素質雙糜鹿五色奇毛兩鳳皇
國有昌符臣協吉家承嚴訓子徵良田單下狄親鳴鼓姬旦居東久缺折
屢觸歎炎辭羽蓋轉巡郊野憇甘棠軍中作氣頻投石陣裡籌機捷採糞
敵日轅門標大纛浮天水寨集餘皇彫弓並月名繁弱寶劒衝星出豫章
幾處名香迎馬首數羣長鬣夾車箱量兼滄海涵諸島身作長城障一方
萬里星辰羅北極百番貢道出東洋曹彬賜劒權偏重庾亮登樓興合狂
引至偏裨堅誓約邀還賓佐據胡牀鯨鯢久已封京觀翡翠行看出越裳

正芳名流簡冊還將偉績著旂常功成淮蔡應趨關路涉燕齊好待糧
將相位兼勞出入君臣道合致平康山城令節集更發高宴華軒錦綺張
日照花明諸樂作風吹帳啓衆賓藏鶴鳴流響聞天漢芝燦浮光到羽觴
競取良辰占上壽復欣嘉會嗣重陽樹聯月桂輝花萼斗近天河挹酒漿
黑齒呈歌須譯問文身獻舞傲專場地連玄嶠僊常集候傍黃鍾日漸長
共以精誠抒華祝况兼佳麗屬錢塘鰕生本住山陰里浪跡疑乘海畔航
城下釣魚懷漂母堂前結客憶周郎求逢黃石書誰授不墜青雲志自強
抱玉已憐非楚璞吹竽那識動齊王幸因文字蒙徵檄時佩管毫侍瑣廊
綦履東西魚共躍戎衣左右雁俱翔縣知陳阮時遊魏豈乏鄒枚並寓梁
博採燕昭期致駿曲存宣父愛非羊衆人國士階元別知己蒙恩心所量
自分才難堪記室人疑待已過中行構成燕雀猶知賀報取瓊瑤未可償
偶值高門掛弧矢且贗小雅賦桑楊却慚未協宮商調莫並當筵巧奏簧
督府明公新膺加廕加太子太保左都御史一子詹錦承千戶
連天滄海抱江洲節鉞東臨今幾秋早遣通儒招粵尉遠傳片檄到蠻陬
寇當劇處連營破酋若逋時舉族收萬里華夷馮控制一方文武備咨謀

獻俘不用陳兵見對客頻聽借箸籌名將始知今亦有元勳豈獨古難望
近銜丹詔恩何渥遙領青宮秩更優幕捲共瞻新換照旗開尚見舊縣旂
春濤拍海風俱息夜析陽邊月正流建業旣超功可讓太原未下賞還留
蘭臺本取銀章結鶴禁誰扶寶輦遊將帥併兼儲副託封章應掌百寮糾
召公遺烈由孫顯曹臻英風與父儔世祿永延盟帶殲屬車前導護宸旒
東山久已淹姬旦南服從來用武侯燕領果封終入漢增卣將錫定于周
軍書羽集裁偏暇湖水冰涵翠盡浮翠嶺新堤花進樹錦筆停曲島窺樓
幾年載筆承英盼四海爲家只浪投授簡真慚稱記室逢人交慶識荊州
追陪有分塵清宴著述無能付短謳卽擬漢家麟閣上看題姓字最高頭

蛙聲

紅芳綠漲綠連天夾岸蘼蕪匝澗灣別有鼓吹喧渡口不教蚯蚓疊陽關
殷郎咄咄書空易漢吏期期奉詔難華苑公私猜典午華門信屈課殷盤
連營甲卒故前關寒寺沙門呪後食蟾蜍借月瘡何謂科蚪繁波字與翻
蒲漉漉蒸號太酷梅風飄蕩控宜寒使車南詣離題譯貝葉西來鳩舌彈
金剛俠徒九儘落珮垂戰士怒彌殷諧語就笞方乞半孤雛隔乳未啼殘

韓馮枕荷愁喧寒戴勝降桑許睚眦利口嗇來僂喋喋薄言鉦罷鼓闌闌
咽競笳易不得曉雜沸道露幾時圓迢迢來度天姬帳閣悶迴驚釣者船
搖繁藻鏡驅成澌酌碎菱絲詎可穿寄語艸深瓜爛處急呼卽且備蜺麟
卜草蛇所居有爛瓜氣莊子岐於此

數年來南雪甚于北癸未復爾人戲謂南北之氣互相換似賈人
帶之往來理或然歟邊塞不易雨而今每流十九韻

陰陽北去隨南客雨雪南來自北天雨爛胡弓知幾歲雪高越瓦已三年
偶然盡海迷遼鶴不是登橋聽杜鵑吠犬從今無一處喘牛必問有諸賢
明明日向彤霄暗杳杳瓊龍紫霧縣義氏輪膏埋壁屑滕公河水瀉銀錢
鉦鋒揮戟包難見深穿泉粉愈填萬里蕭條昏井邑千家凌奪失園田
疑花宿誤羣婦羽折竹真催幾個圓鼻醋醃寒先慣吸羹鹽調劑未堪煎
傾危作兔當山頂搏控成獅向日邊借皎肥身灰象飽吹柔害物素猶拳
綿鍼絮刺俱叢棘玉辦銀筒假淤蓮陽德盡闕閭闔上陰威直到祝融顛
華亭羽翼漫天久上蔡鷹鷹獵野偏伍員江長潮正怒三閭沙白骨新捐
稀如尸蟲穿雲去細似繩蠅點壁旋急舞魚鱗明扈跋繁遮蝗陣暗霄翳

袁安臥苦僮猶得解絳戶埋醉可憐萬事豈俱埋得盡有時終露髑髏寬
次夕降搏雪復潛鵝鴨卵余睡而復起燒竹照之八十韵

把炬循除立斷藜鴉驚彈雪宿印底終宵有許垂鵝伏片刻應能沒馬蹄
一一劈分舒闊掌團團捲擲碎霜梨紅塲盡海毬爭打白鷺橫江荻未栖
崩屋塌簷支正急窺窗人竇倚相睽後飛輕薄高難下先引威棱導且齊
隔歲窖藏猶霰雹羣兒想象入後祝解舡出六摧隄李瑞斜過三黨裨梯
博浪金椎徂擊遍彌大白盡殺棧提鸞兒鵝鵲吹毛盡竹哭梅啼到骨披
穿重解深三窟鬼侵多不剩一丸泥暗隨鵬翼長沙拍亮誤雞司短曙啼
灰儘挑殘寒夜火袍誰脫與故人綿流蘇旣編堪鈎掛粉的渾綿向鏡低
風絮謝娘難可疑烟蘆艇客幾成迷公孫被襖涼如缺子母蛺緝瀉若斯
獸徑易漫糜散跡獵弓難放麝香臍巖俱周處南山額盡蘇卿北海羝
鮫室百窗簾蛤蚌羌胡一國水玻瓈饑脚苦逼長安碎酸鼻寒妻宰相醢
葉尹如捐棺可玉麻姑未老海堪梯洪厓走來流落外穆滿量珠賞竹西
綠髮取裁髻髻樣金釵都換奈花鏡儒童瓦甕鹽難綠飯噉屠門蒜太齷
蝙蝠假仙搖石乳蚪蛇馮膽攪銀堤將紉作葢俱成利取綬爲裘盡是麕

腰準攫身功奪狗牛羊。埋角罪啼懸軒轅鏡色飛橋頂。歐冶鑄霜掣劍絡
馬。乾坤成玉合。紵翳膜刮金篦。楊妃暗粉玄宮發。卓氏綦巾皓首齊。
北際胡雲黃滿塞。當年梁簡亦曾題。霽微未必清鍾磬。酒急如堪付鼓鼙。
紅袖共斟將共若錦囊。須佩却須奚。寒郊瘦島吟成蜚。暖肉肥肌屏作閉。
漸離荆卿僵易水。趙王代姊冷摩笄。瑤枝上漢叅雲霧。銀鬣行天賭駃騠。
併是凌寒貞歲柏。不同趨熱媚權娃。親淹上國裘曾敝。眼見金吾騎總緹。
盡領熊羆供掃拂。別從雉兔較畧。高培梗團成菌柔。攸山毛嫩作萸。
肯慘睢肝夔罔兩。蛭嬌明項女。蛭蟻粧塗恨少施。肌髮刻畫爭先解。佩鷁
何事井噴煩。蜥蜴馮陰焰。魃虹霓。瓠犀璀璨排。嬌齒榴子齟齬墮。老覲
解觀紫駟鮮。豹犢俄穿翠襪化。貂珪宮奩鏡暖。因椒瑾寨壁。刀斜謝鵲鴉。
木稼怕官謠。雜識師乾愁。牧馬頻嘶媧皇煉。石霄猶漏帝女炕。鉛杼懶擠
凍雷尖。持燕匕首。明窗塵射魏刀圭。睥睨劍斷于闐帶。沙磧聽列令尹珪。
連日大酺粲儘掬。傾筐堆白取如攜。騎都爛漫靡羊胃。庖坵縱橫解犢脰。
不醒頽錦帳。蛾眉邀醉繇金柅。卽堪楚曲流宮徵。必喚齊僮許滑稽。
搖屏明練組。展鵬大鏃拭弧鉞。孤烟罷突真三日。破釜懸臍僅一盤。

水木騎羊來代逝。勝日赤雨各訶詆。心憂掘閭衣麻矣。狂走花蘭帶悸兮。
霎爾黃腸漉鼻屬。俄然白骨墜鯨鯢。爲燈跋燭須臾滅。沃錠消膠頃刻齏。
公向蒼儀騰皓潔。竟忘赤地混緇鯨。隨鱗過越迎關吠。度葉爲花帶鳥棲。
蜂蛺誤猜堪蜜蠟。清明纔斷正餽餽。西池萬里吹黃竹。東郭雙筵跼赤韉。
想見穹酋鳴立團。親看牀足縮趺螭。恰妨青帝迎春仗。綈無救朱炎病。
夏畦壓取剛條俱。偃偃試尋勁艸但。萋萋幾時千仞消。凌蟬何處雙桑赫。
海輓形虎似鹽虛。晉組調梅無味枉。商鐫蟬盡未必沉。三尺甲拆先應了。
一判莊語製冰蟲。足惟趙衰冬日襁。爭後風偏助勢長。成練月總輸光不。
引犀履薄有人愁。怪谷乘危無盡上。埋奎豈無黃道辜。葵藿翻以丹心許。
疾藜火急寄言青女道。添霜啼殺伯勞兒。何遜遠曰。勝遊偶強。韓蘇後復見田水翁。

龕山凱歌六首

爲吳縣史鼎庵

短劍隨鎗算合圍。寒風吹血着人飛。朝來道上看歸騎。一片紅冰冷鐵衣。
紅油畫戟碧山坳。金鏃無光入土消。冷雨淒風秋幾度。定誰拾得話今朝。
七尺龍蟠阜線絳。倭兒刀挂漢兒腰。向誰手內親拈得。百遍衝鋒滾海蛟。
宋時海寇名滾海蛟。

無首有身祇自猜左啼魂魄右啼骸馮將老謬傳番語此地他生敢再來
旗裏金瘡碎朔風軍中吮卒有吳公更教廩養眠營竈自向霜槽餵鐵驄
夷女愁妖身盡丹夫行親授不縫衫倭衫無縫今朝死向中華地猶上阿
蘇望海帆其地阿蘇山最高

內子亡十年其家以甥在稍還母所服潞州紅衫頸汗尚泚余爲
泣數行下時夜天大雨雪

黃金小紐茜衫溫袖摺猶存舉案痕開匣不知雙淚下滿庭積雪一燈昏
凱歌贈參將戚公

戰罷親看海日晡大酋流血濕龍衣軍中殺氣橫千丈并作秋風一道歸
望夫石

海天萬里渺無窮秋艸春花插髻紅自送夫君出門去一生長立月明中
宴遊爛柯山四首

萬山松柏遶旌旗少保南征暫駐師接得羽書知賊破爛柯山下正圍碁
何得結束佩刀弓追上逢迎抹首紅夜雪不勞元帥入先禽賊將山洞中
羣兇萬隊一時平海無波嶺瘴清帳下共推擒虎將江南只數義烏兵

帷中談笑靜風塵只用先鋒一兩人萬里封侯金印大千場博戲紙毬新

武夷山一線天

雙峽凌虛一線通高巔樹果拂雲紅青天萬里知何限也伴藤蘿鎖峽中

入武夷尋一線天道中述事二首行渴得巖壚乞茗

花落花開隔水津棧梯茆屋總堪鄰扁舟若不尋歸路便是武陵深處人
乞得瓊漿一碗新溪行盡渴生塵雲英只在桃花下不肯呼來見外人

雪中訪嘉則於寶奎寺之樓店

山徑尋君重復重小樓百尺臥元龍安窗偏向梅花角去映江天雪數峯

武林館中與徐仁卿同宿因贈三首徐號天峯武義諸生也徐十

樓上張燈倒瓦卮自居東面喚人陪須臾據案言兵事鰲帽偏欹橫兩眉

近來選士愛軀長共說君家貌不揚醉後忽呼高枕睡虎頭斜倚黑繩牀徐

額骨似虎

長說邊關好試材幕中進止自須裁連宵一騎重圍裡不見釣州王秀才
時王邪直爲虜所害

夏相國白鷗園二首

白鷗池水拍天平相對瓊樓入太清試問歌臺生艸處當時曾許外人行
詞客登臨信筆裁每於花謝笑花開請觀世上看花者曾見花開不謝來
閫門送別

送別閫門日已西自將光景比烏栖平生不解依枝宿今日翻成遶樹啼
寄徐石亭

聞道名園盛牡丹豪家歡賞到春殘自憐亦具看花眼種菜澆畦不得看
上谷歌四首

少年曾負請纓雄轉眼青袍萬事空今日獨餘霜鬢在一肩輿坐度居庸
遙憶前朝已巳年六龍此去未南旋黑雲敢作軍中孽莫恠區區一也先
箇箇健兒習戰車重重壁壘鐵圍隄儒教上谷長千里只用中丞兩臂遮
昨向居庸劔戟過今朝流水是洋河無數黃旗同過客有時青艸站鳴駝
宣府教場歌

宣府教場天下聞箇箇峯巒失入雲不用弓刀排虎士天生劔戟擁將軍
胡市

千金赤兔匿宛城一隻黃羊奉老營自古學基嫌盡殺八家和局免輸贏

邊詞十三首

並客燕時到馬水口及宣府之作

四壁龍門鍊劍圍枉教鄧艾畏羶衣莫言虜馬愁難度即使胡鷹軟不飛
牙兵箇箇是熊羆別選奇才養作兒試看陣雲分處一團蜂子擁人飛
墻頭赤棗杵兒班打棗竿長二十拳塞北紅裘爭打棗江南白苧怯穿蓮
立馬單盤俯大荒提鞭二問戎羌健兒只曉橫台吉大雪山中指帳房
十八盤山北去賒順川流水洛南涯真馬一踏邊牆土盡斷乾坤作雨家
黃酋墮馬已成禽漢卒爭功被脫身魂魄至今留黑石堦墜蓮葉落魚鱗
石堡所禽地也得其窟上之朝

焉那頸險斷胡刀為手攀頭按得牢端向鏡中嫌未正特搓過左一絲毫
宣府之降胡

沙門有姊陷胡娃馬市新開喜到家哭向南坡墮帳裡領將兒女拜袞袞
漢軍平看繡襦襦十萬彎弧一女郎喚起木蘭親與較看他用箭是誰長
下六首並庵答甥女事

長纓辦取鎖嬌嬌馬上纖腰恐不牢好把鴛鴦韉上腦倩誰雙縛馬鞍韉
女郎那取復梟英此是胡王女外甥帳底琵琶推第一更誰紅頰倚蘆笙

老胡龍向一人多，袖銀貂箇巨羅。東黃錫方側，將雲鬃打天鵝。
姑姑花帽細銀披，兩靨腮梨酒。紗帽箇菱花不離手，時時站上胭脂。

上谷邊詞四首

胡兒住牧龍門灣，胡婦烹羊勸客餐。一醉胡家何不可，只愁日落過河難。
風吹乾艸沒沙泥，齧艸奔風馬自蹄。却問駝駝何處去，大酋隨獵未曾歸。
以上坐史夷帳中作，史車二姓屬夷。

胡兒處處路傍逢，別有姿顏似慕容。乞得杏仁諸妹食，射穿楊葉一翎風。
最嗜糖驪杏仁。

駱駝見柳等閒枯，虜見南醪命拚殂。倒與賜夷留一滴，回轡猶作卯兒姑。
北諺云：駱駝見柳達子見酒。又夷言：磕頭爲卯兒姑。

琉璃河

水恠從來畏鐵腥，十尋鐵棒壓流橫。風雷自古無迴避，也截蛟龍別處行。

送林某

野客年來百事休，也憐歌板去難留。若爲化作沿江柳，直管鶯聲到岸頭。

漫曲

聞道張家燕子樓青羅小帽急梳頭花枝誰肯先春老無奈風吹雨打愁
盡兩僮枕帶而睡疑是寒拾應人索咏

人間何日不塵生掃到何年掃得清輪與天台雙行者睡彎茗帶午雞鳴
盡高嶺莫行僧衆

知是蛾眉第幾盤客僧愁宿日低山頭陀指與烟生處只隔紅霞四五灣
王元章倒枝梅畫

皓態孤芳壓俗姿不堪復寫拂雲枝從來萬事嫌高格莫恠梅花着地垂
盡梅時正雪下

誰寫孤山伴鶴枝早春窗下索題詩今朝風景偏相似是我尋他雪下時
竹

昨夜窗前風月時數竿疎影響書幃今朝揚回溪藤上猶覺秋聲筆底飛
水仙雜竹

二月二日涉筆新水仙竹葉兩精神正如月下騎鸞女何處堪容食肉人
郭恕先爲富人子作風意圖償平生酒肉之餉富人子以其謾已
謝絕之意其圖必立遭毀裂爲蝴蝶化去久矣予慕而擬作之噫

童子知美易獲之鼎不可紅也雖然來丹計粒而食乃其
報黑卵必請宵練快自握亦取其意之所趨而已矣每圖必隨
景悲歌一首並張打油叫街語也亦取其意而已矣 每六首

柳條搓線絮搓綿搓夠千熟放紙鳶消得春風多少力帶將兒輩上青天
我亦曾經放鵲嬉今來不道老如斯那能更駐遊春馬閒看兒童斷線時
縛竹糊腔作鳥飛崩風墜雨爛成泥明朝又是清明節關買餠糖柳市西
江北江南紙鵲齊線長線短迥高低春風自古無憑據一任騎牛弄笛兒
村庄兒女競鵲嬉憑仗風高我怕誰自京有風休盡使竹腔麻縷不堪吹
春來偏與老人讎腰臂如弓項領柔看鵲觀燈都好景正難高處去擡頭

扇圖

渺渺平沙四望通天涯雙樹立秋風盡工不解寒雅意寫入隋堤綠柳中
畫躍鯉送人

鱗鬣不殊點額歸丰神却覺有風威不添一片龍門石方便凡魚作隊飛
湯遂昌顯祖

顯祖字義仍臨川人生而有文在手成童有幾席之目年二十一舉於鄉

嘗下第與宣城沈君典薄遊蕪陰客於郡丞龍宗武江陵有叔亦以舉子
客宗武交相得也萬曆丁丑江陵方專國從容問其叔公車中頗知有雄
駿君子晁賈其人者乎曰無逾於湯沈兩生者矣江陵將以鼎甲畀其子
羅海內名士以張之命諸郎因其叔延致兩生義仍獨謝弗往而君典遂
與江陵子懋修偕及第又六年癸未與吳門蒲州二相子同舉進士二相
使其子召致門下亦謝弗往也除南太常博士朝右慕其才將徵爲吏部
郎上書辭免稍遷南祠郎抗疏論劾政府信私人塞言路謫廣東徐聞典
史量移知遂昌縣用古循吏治邑縱囚放牒不廢嘯歌戍戍上計投劾歸
不復出辛丑外計議黜李本寧力爭遂昌不應考法且已高尚久矣主者
曰正欲成此君之高耳里居二十年年六十餘始喪其父母既葬病卒自
爲祭文遺令用麻衣冠草屨以斂年六十有八義仍志意激昂風骨遒紫
扼腕希風視天下事數着可了其所投分李于田道甫梅克生之流皆都
通顯有建堅而義仍一發不中窮老蹭蹬所居玉茗堂文史狼藉賓朋雜
坐雞埒豕圈接跡庭戶蕭閒詠歌俯仰自得道甫開府淮上念其窮遺書
相廷義仍謝曰身與公等比肩事主老而爲客所不能也爲郎時擊排執

政禍且不測詒書友人曰乘興偶發一疏不知當事何以處我晚年師好
江而友紫柏條然有度世之志胸中魁壘陶寫未盡則發而爲詞曲四夢
之書雖復留連風懷感激物態要於洗蕩情塵銷歸空有則義仍之所存
畧可見矣嘗謂我朝文字以宋學士爲宗李夢陽至瑯琊氣力強弱巨細
不同等質文爾萬曆間瑯琊二美同仕南都爲敬美太常官屬敬美唱爲
公宴詩不應又簡括獻吉于鱗元美文賦標其中用事出處及增減漢史
唐詩字面流傳白下使元美知之元美曰湯生標塗吾文異時亦當有標
塗湯生者自王李之興百有餘歲義仍當霽霽充塞之時穿穴其間力爲
解駁歸太僕之後一人而已義仍少熟文選中攻聲律四十以後詩變而之
香山眉山文變而之南豐臨川嘗自叙其詩三變而力窮又嘗以其文寓
余以謂不蘄其知吾之所已就而蘄其知吾之所未就也於詩曰變而力
窮於文曰知所未就義仍之通懷嗜學不自以爲能事如此而世但賞其詞
曲而已不能知其所已就而又安能知其所未就可不爲三歎哉義仍有
才子曰士蘧五歲能背誦二京三都年二十三客死白下次大耋才而佻
然有父風次開遠以鄉舉官監軍兵使討流賊死行間開遠好講學取義

仍續成紫簫殘本及詞曲未行者悉焚棄之大耆實云幼子季雲亦有雋才

南旺分泉

依陰發泉壑開陽盛雲雷揮珠卽橫厲弭世暫徘徊神媪膏雲落天孫灑雨開唯王資轉輪盡地此縈迴涓涓連衛潞灑灑注河淮高祥刺雲日橫籌傲山崖鮮冰敵陽至神木斬陰來浮吹徹終夜飛艦常千枚珠粒山東泉蘆肉江南財當知禹貽厥宜歌帝念哉

答丁右武稍遷南僕丞懷仙作

斯人負高概情蕪藹紛饒觸邪注冠影雅志在公朝衣服近吾身有如裴與焦升蕉有涼燠寒裘終不凋斯人乃可去將無念霜朝西廻太行軸南縱廣陵燒有客從瑯琊從君獨酌謠巾帶若山人玉鈎橫在腰他人富貴媚斯人貧賤驕山中讀道書玉女時相嬌但令有真骨數至自飄飄靈阿簇昭輝逸駕動鳴椒雲冥深秀資霞延仙隱標庶反山中駕聊用倚逍遙

過太常博士宅

太常東署中五年足棲集南風多爽噎春梅未湫濕兒子此生成琴書此

敦習逼迫徙詹事後者來何急出門別井竈致詞如欲泣臨去幾回首向後恒過入昔作主人居今向賓階揖已悲題字減稍呀新堂葺觸跡有思存循年真悵憶舊隸猶瞻叩比隣都問及坐深難可留簷庭去猶立百年渾似此前人互通執弱心誠自嗤懷來非可戢

赴帥生夢作有序

丁亥十二月予以太常上計過家先一日帥惟審夢予來相喜慰曰帥生微瘦乎則止予以冠帶就飲帥生別取山巾着予甚適予首歎曰人言我兩人同心止各一頭然也嗟乎夢生於情情生于適郡中人適予者帥生無如矣乃卽留酌果取巾相易不差分寸傍客駭歎記之

青雲覆嘉林明月映珠津理絕有連氣况乃在人倫歷落帥生姿禮食先一旬采擷極玄史詞賦落瑯璚我生弱冠餘良遊非撫塵子爲膳部郎予入南成均今上歲丙子再見集唐展前後各傾展言笑日溫新家能造清酒兒能娛父賓昔是新相知今爲舊比隣上計邊越來醉我鳳城春笑謔不下樓安知誰縉紳契濶四五年流思月相巡予滿太常秩子罷思江綸月夕夢我歸入門魂魄親交手無別言但問瘦何因冠帶卽延酌易我以山

巾尺寸了不殊形影若可循世人言我汝同心徒異身今看巾幘交誼知
頭腦勾說夢未終竟報我及城闌歲寒冰雪中松心竹有筠三歎此何時
滅沒旁人嗔眼觀一堂內夢見千里人見交等形隔臥托乃疑神素車尚
前語迷途猶見遵况我見爲人分明江海濱立語卒不盡且坐留飲醇易
巾果所宜夢與形骸真盡瘁此爲契彈冠安足陳

京察後小述

邑子久崖柴長者亦搖簸含沙吹幾度鬼彈落一箇大有拊心歎不淺知
音和參差反舌流倏忽箕星過幸免青蠅吊厭聽遷鶯賀賤子亦如人壯
心委豪情文章好驚俗曲度自教作貪着繡袂舞簪花枝臥對人時欠
伸說事偶涕唾眠睡忽起笑寒集常背坐敢有輕薄情抵緣迂僻過一命
公吏署六歲逢都課浮譟今已免不謹前當坐有口親三緘無心嗔八座
骨相會偏竒生辰或孤破吾心少曲折古人多頓挫脫落慕仙才點綴希
王佐咄咄竟何成冉冉誰能那

三十七

我辰建辛酉肅皇歲庚戌初生手有文清龐故多疾自脫尊慈腹展轉太

母膝剪角書上口過目了可映家君有明教太父能陰騭童子諸生中俊
氣萬人一弱冠精華開上路風雲出留名佳麗城希心遊俠窟歷落在世
事慷慨趨王術神州雖大局敷着亦可畢了此足高謝別有烟霞質何惜
星歲遲去此春華疾陪齋非要津奉常稍中秩幾時六百石吾生三十七
壯心若流水幽意似秋日興至期上書媒勞中閤筆常恐古人先乃與今
人匹

懷帥惟審郎中戴公司成

著冠須訪戴脫冠須訪帥磊磊一心人離離十星歲戴公入山水淡迹分
明昧喜沾清悟安不惜沉冥醉帥生能造酒酒色清如萊高談常夜分哀
歌忽雷潰兩君真晉人土性有凝慧相見即相知了非心所解如雲墮江
光顛倒影在內心歡常若茲日月亦清快重來斷清嘯不復可人在影撇
事詩酒援筆坐巾帶帥生烟霧中戴公江海外但想即成笑寄書亦何賴

顧膳部宴歸三十韻附大水飢

年深情易盈春開氣方燠齋房常自清登臨每傷獨同人風義生命我春
酒熟新雨道無人越嶽山有木甚設苦難常為期省相連適往纔張且且坐

遺巾服行碁過格五點局殘花六豆間依古禮坐次隨年錄素盞溢芳溫
青疏雜蘭菊無事極脂膏風斯映明淑心清笑則雅咀洽談逾穆留連清
夜沉偶歎春年肅河北人猶流江南子初鬻行人深掠食縣官粗賦粥杏
花差有畔苦州正無幅黃星春不死青歲易猶密微祿幸三飽清齋休五
肉秀麥候皇明妨樂悵神牧一人同向隅諸兄須仰屋凡百關天道有萬
依王福江湖初繞霽神州方蘊情舉白但歡展辭觴敢嘖賊滅端步除陰
明月隱深竹風庭猶數杯淋浪居未逐金柝夜沉沉玉街清瑤瑤還齊深
思餘倚檻端居伏風露謫延和華桐暗相馥岸幘且輟首啜茗殊清目側
看星尾遲遠聽鳴雞速向署首明祠靈妃方捧祝

離合詩寄京邑諸貴

良會今乖

琅玕豈不珥玉屑竟誰飯檜樹鬱冬臯木葉辭秋苑衿曲自悠悠衣帶日
趨緩乘月望風霄人遙尺書斷

雨花臺所見

冉冉春雲陰郁郁晴光瑩取次踏青行發越懷春興拚知天女後如逢雨
花剽宜笑入香臺含嚬出幽徑徙倚極烟霄徘徊整花勝態隨驚蝶起思

逐流勢凝美目乍延盼弱腰安可凭朝日望猶鮮春風語難定拾翠豈無期芳華殊有贈持向慧香前爲許心期證如何違玉纓沈情擊金磬

黃岡西望寄王子聲

白露滴江城江聲遶秋至心賞不在茲幽芳渺難寄木葉號蟬悲水荇潛鱗戲日氣淡芙蓉雲陰生薜荔栖栖王子情默默楚人思未及湘纍醒且共逢池醉遙松起照色虛竹驚寒吹物往年序遷情存風景異樵歌啼影遲新月忽在地

讀張敞傳

長安多偷兒數輩老爲酋居家皆溫厚出從僮僕遊遂有長者名閭里咸見優小偷時轉輸酋長日優游安知盡眉人一朝來見收

相如

相如美詞賦氣俠殊繽紛汶山鳳皇下琴心誰獨聞陽昌與成都貴賤豈足分子虛乃同時飄然氣凌雲臥托文園終不受世訾氛清暉緬難竟遺書封禪文知音偶一時千載爲欣欣上有漢武皇下有卓文君

郢中鶴

曲臺雙白鶴口賦十餐錢良爲升合資留滯江海年傳呼卿出入引吭飛舞前軒墀看鶴人時與小翩翩鳳皇猶可飼安得羽中仙

錦衣鳥

太常東署門連垣接親衛中有怪大鳥好作大號呌悲嘯無時徙吉凶須意對非有伯勞沈良無子規廢開天殺人處陰風覺沈脉

胡克遜

人言西北邊有獸名爲遜性不喜獸鬪遂巡解其困獵者知如此設鬪日馴近相愁來解紛陰遭此人亦食肉寢其皮似貉花文嫩西州貴將吏茵褥厚常寸萬出笑何憫程程啼莫恨此獸仁有禮錯莫身爲殉世有麒麟皮爲鞞復何問

宿浴日亭因出小浪望海

爲郎傍星紀江湖常久居倏忽過南海扁舟挂扶胥隱隱岸門青杳杳天地虛培塿澹凌歷氣脉流紆徐潮迴小洲渚龍鱗勒溝渠于中藏小舟其外懸日車雲影蒼梧來咸池相卷舒孟冬猶星河淡月沾人裾陰陽盪揮霍精色隱踟躕濯足章丘餘沐髮扶桑初清輝臨海盤若木鮮芙蕖西顧

連嶠嶺東眺極扶餘小浪亦莞爾大波始愁予嶼船自吞吐樓櫓成烟墟
飛金出熒火明珠落鯨魚吾生非賈胡萬里握靈樞晝闇羅浮外傳聞仙
所虛玉樹如冬青瑤枝若耕欄陽鳥不日浴晝夜更扶輿丹穴亦不炎好
風常相噓白水月之津一飲饑渴除徐聞汝仙尉去此將焉如

達奚司空立南海王廟門外

司空暹羅人面手黑如漆華風一來觀登觀稍遊逸戲向扶胥口樹兩波
羅蜜欲表身後奇願此得成實樹畢顧歸舟冥然忽相失虎門亦不遠決
撒去何疾身家隔胡漢孤生長此畢猶復盼舟影左手翳西日噴句帶中
裂嘲隴氣噴瀝立死不肯僵目如望家室塑手一何似光景時時出墟人
遍香火陰風吹崢嶸上有南海王長此波臣秩幽情自相附遊魂知幾駟
至今波羅樹依依兩蒙蒙波聲林影外簷廊暝蕭瑟

麗水風雨下船棘口有懷

石城雙水門落日遠江介春潮風雨飛暮寒洲渚帶流雲蒼翠裡緒風簫
鼓外分披悟曾歷合背迷新屆宿霧緬餘生洲隱遙派地脈有虧成物
色故明昧因振神易傷幽清境難會江花滿流放岸艸悽行邁不見林中

人自撫孤琴對

答姜仲文

白日不可常孤雲亦何媚
萋芳淡遊子流泊世所棄
事去息交久書來喜君至
愛日生寒姿停雲起高翅
經營二三月颯還登遑避
驚看就長揖道故如矢志
相聞善爲樂相見乃憔悴
爲文寧自傷情多或爲累
感君珍重意承睚不能淚
在沼魚何樂先秋葉難翠
長歌聊復聲短袖時一戲
今日眼中人何年心上事

一 遙和諸郎夜過桃葉渡

有本事

諸公紛紛去何所隔岸
熒熒高燭舉若非去挾秦
家姝定是將偷叩市女
一從西蜀老王孫千騎東
方總不論也之使君呼共
載也無遊女解宵奔無緣
此屬翩連去飄飄曄曄知何
處翠納香奩夜著人絳蠟
清筵幾回曙當時我亦俊人
羣情如秋水氣如雲有酒誰
家惜酣暢饒花是處怯離分
如今兩鬢籠紗帽輕烟澹粉
何曾到眼看諸公淹夜遊心
知此事從誰道衝齋獨宿清
漢斜燈影籠窗半落花拚不
風流長睡去却待殘夢到他家

送前宜春理徐茂吳

西湖徐君美如此眇眇東來渡江水微颺木葉江波生皓露芙蓉秋色先
秋色連山客早悲倍憶離鴻江月時舊郡鈴陽醉烟柳動道宜春春不宜
豫章城西江水滿片雨疎花石蘭館獻賦誰知錦組文題書直道珠盈椀
一別蒼洲間白雲金臺著路忽逢君祇合飛冤填北海那堪解慍出南蕪
芳臯嶽歷辭青瑣及子風流度江左孤亭水樹別留人別道烟霞須着我
我邊知我若逢君卿處相卿自有人無事南湖催送漿扁舟小婦好隨身
莫嫌小婦恒隨從茗碗香蠟朝夕供風雨離騷秋算行荃蘭墨妙連舟重
去去西湖簫鼓陳香絲艷粉逐年新不惜風流頻取醉君來看見六朝人

夜聽鄧孺孝說山水

終日他鄉作遊子到處不曾離屋底鄉生爾時何許來罷酒彈燈說山水
君家最近三茅君我家貴看蠡峰雲山水眼前人不任遙山遠水復何云

聽說迎春歌

帝里迎春春最近年少尋春春有分可憐無分看春人忽聽春來開惜問
始知簾戶即驚春夾道粧樓相映新樓前子弟多春日樓上春人最着人
送俞采并示姑熟子弟永故叔白鹿生賢家人也悲之

遊子常年風性高。龍生地主垂千旄。絳帳後堂延弟子。春裝別墅擁賢豪。
何處山川不留飲。何處風光能薦寢。花落時粘縹綠箋。杯翻只污蒲桃錦。
爾時閭井多歡娛。爾家弟兄猶讀書。長星出天十年內。經過舊地百不如。
江上更番起戎隊。河南學館今蕪廢。地主才高落網羅。門生產盡掃關闕。
若家少父識人稀。白鹿騰空人事非。頻年落第常留醉。幾夜浮橋獨送歸。
此情此日堪憐處。故人上官得陵署。從今見憶直須來。幾日相過那便去。
春酒春燈花月深。離愁今夕動春心。親知報李非無玉。直笑載龍未有陰。
送臧晉叔謫歸湖上時唐仁卿以談道娶同日出關晉叔長卿
君門如水亦如市。直爲風烟能滿紙。長卿曾誤宋東隣。晉叔詎憐周小史。
自古飛簪說後遊。一官難道臧風流。深燈夜雨宜殘局。淺艸春風恣蹴毬。
楊柳花飛還顧渚。簪酒茗魚須判汝。興劇書成舞笑人。狂來盡出挑心女。
仍聞賓從日紛紛。會自離披一送君。却笑唐生同口貶。一時臧穀竟何云。
吹笙歌送梅禹金感歎龍君楊郡丞沈君典太史姜孟頫明府
紫綬春衣可曾絮。絲竹西州可曾去。秋水微波木末亭。秋花半菊吳陵署。
從官道鬱有三年。似汝驕奢留幾處。邀歡托宿故言寒。罷酒更衣幾愁曙。

新林小婦寄書來一種風流許君據朝落鉛華妾自知夜拂蘭幃君不御
梅生開書欲長跪托道留連在山水卽知遊子幾曾遊自說美人詎知美
先時拾翠凌陽池憶汝吹笙出桃李天涯此日龍使君世上何人沈太史
已覺叢殘姜令非空驚綽約梅生是津途變化裁十年光響消浮只千里
潮水長看三往還交態今誰一生死何況青眉并皓齒美酒銷憂只如此

署客曹浪喜

今冬寒多忽作煖羊暗臘酒青磁枕達曙留連歌笑言蓮花漏水今宵短
點燭侍兒熏繡衾新綿細帖令人懶始恠明星出不低何來曙鳥啼都滿
疎窗小竹直蕭瑟淺帳寒梅動疎散客省經知無印開祠曹報說添入管
北闕雲霞青巖疎南朝烟月歸心歛鍾鼓空思長樂宮江山別築忘憂館
四十頭顱君不知爲看年來衣帶緩

榆林老將歌

寄萬丘澤

榆林將軍紫花額自言能拂雙枝戟登臺理虜識風塵度嶺尋營知水脉
娶妻胡女能胡言盜馬與官多得錢石州雖殘虜多死榆林獨出兵氣全
頃緣互市邊籌假市馬與軍非善馬幸過倒死卽須償就中更有難言者

餘聞老將學耕耨後來兒子不能軍但願英雄不生虜兜零無火更何云

邊市歌

中興漢水天飛龍天街月氣何雄雄已深吉
義占河曲偏多俺答嘯雲中
二十年中俱老死分頭任牧多兒子一從先帝許和戎盡說銷兵縱行李
也知善馬不能來去去金繒可復回未愁若虜驚和市且是無人上敵臺
別有帳中稱寫契解誘邊人作奸細上郡不知虜騎熟西州眼見孤軍綴
也先種色何紛紜五千餘里瞰胡羣不說遼邊小王子殺降前後李將軍

江東歌

三山江上翠崔嵬艸綠風烟春氣和天宮繞繞金陵旛人家映帶秦淮河
迴廊屈曲通晴雨馳道流離螢月波南中富樂風塵少天下娛游子弟多
悠悠滿目經時歲忽忽盈懷阻嘯歌意氣周郎三國盡文情庾信六朝過
江南丈夫會早天春心不飲蕩如何

夏州亂

夏州判軍如五堡迫挾藩王磔開府賀蘭山前高射天花鳥池南暗穿虜
前年通渭血成壕天上太白愁烽高不信秦人阮翁仲鑄金終得鎮臨洮

黎女歌

黎女家家弄有歲如期置酒屬親至自持針筆向肌理刺涅分明極微細
點個蟲蛾摺花卉淡聚青紋連餘地便坐紡織黎錦跽拆襪吳人綵絲綴
珠崖嫁娶須八月黎人春作踏歌戲女兒競戴小花笠簪兩銀篦加雉翠
半錦短衫花襖裙白足女奴絳包髻少年男子竹弓弦花幔纏頭束腰際
藤帽斜珠雙耳環纈錦垂裙赤文臂文臂郎君綉面女並上鞦韆兩搖曳
分頭攜手簇遨遊殷山沓地蠻聲氣歌中答意自心知但許昏家箭爲誓
檀牛擊鼓會金釵爲歡那復知年歲

重過石城埭

石城二十四花樓江南置酒飛花愁在處胭脂久零落不知冠蓋能風流
拾翠江邊猶記否含笑含嚔送君酒滿日秋光無盡時自折蓮塘花下藕

送安卿

明星祠前夜通火此外祠官閉壇坐白日風塵廣直遊只似安卿無不可
安卿此時三十餘未三十時金陵居去今年始相見當時太學今何如
當時禮樂從寬政三山陌上繁華盛莫言槐市富簪裾且說蘭房襍衣鏡

五陵年少宿青臺一歲烟花幾度開驕驪逐處尋人去鸚鵡排門喚客來
是日新妝殊可動高樓大道連雲棟別有妖姬不見人動是安卿出迎送
迎如新月送如雲個人貪著茜紅裙揚州大艸歌將去天下風流妬殺君
爲問佳人近佳否桃葉渡江此來久詢知此地舊繁華不似從前盛花柳
花柳迎春不貯春舞榭歌樓貼向人亦知遊子偏多病未許逢人卽道貧
安卿詩人亦畫史翩翩世上佳公子釣魚巷曲水亭幽隔水平衢入花裏
世路蕭疎君得遊一行作吏只關愁春色明年亦如此昨日悲秋今憶秋
秋盡雲寒菊有花吳山惠水是君家不惜秋光與君酌水氣城陰生暮霞
人生對酒莫咨嗟月露光陰判不賒有興調琴就明燭適宜拂袖枕烏紗
君不見胡繡衣陳寶雞此時但附要離塚何曾一醉太常泥一醉城頭烏
夜情滿船燈火送安卿不憂清客隨潮去自有諸郎能夜行

送鄭見素遊江東

艷艷春塢發花朵寂寂春寒試燈火人日何人清夜沈玉茗堂前風月可
向昔登高平遠間滿目滄浪無土山就中有人鄭君美學富文清幽意閒
信美閒遊動千里如花攬結金陵子但聞春艸爲春生幾見情人爲情死

采葛成衣秋奈何看朱成碧春又過冉香亭下神姑酒忽忽江臯離恨多

寄嘉興馬樂二丈兼懷陸五臺太宰

爲郎苦遲去官早歷落鄉關罷倫好忽忽神遊京洛春泣向五臺原上州
馬翁只似扶風人樂生當作望諸君臥想少遊何可得拜築高堂曾一聞
世局風流長似此曾見英雄長不滅江山歲月老開身風雨魚龍動君子
沙井關頭初卜居穿池散花引紅魚春風入門好楊柳夜月出水新芙蓉
往往催花臨節鼓自踏新詞教歌舞青春索向酒人拋白髮拚教侍兒數
烟雨樓前烟雨迷鸞逗湖邊鸞逗啼但取風光足留賞越西還勝大江西
河林有酌

風亭移石竹爲客正開襟霜鳥過殘雨吟蟲傍積陰故心人不淺秋色夜
方深便合丘中去相招鳴一琴

送客歸岳州

楓隱號蟬急林開放鷓鴣輕柳烟眠際穩江月醉餘清夜色遙湘渚秋陰冷
岳城還憐洞庭水漁笛與歌聲

初人秣陵不見師生有懷太學時作

佳人遲暮思何其，直是郎潛世不知。
世路未嫌千日酒，才情偏愛六朝詩。
入門便坐從炊黍，上榻橫眠聽解頤。
獨怪過江愁欲死，眼前秋蟹要人持。

送王比部供奉採藥扶侍太夫人歸粵比部故侍御殿中

白雲司發桂花叢，綵袖承親碧海東。
潘岳宴林逢令節，沈郎行藥正秋風。
先抽美艸占年樂，盛取萑蒲並帝聰。
並道春祠惟坐嘯，也能符遣及花驄。

答君東天津夜泊

津館蒼茫別未曛，滿簷秋色爲思君。
君風生積海，連山霧月落長河。
半樹雲欲睡，動尋千日酒，憐香真惜十年薰。
如何咫尺關南道，只以江空與雁聞。

送劉子樞歸餉蘭州

劉生西笑出蘭州，餉道封軺卽畫遊。
雁勢連雲侵岳影，蟬聲隔樹見河流。
龍門泛雪誰邀賞，騎省吟秋我獨留。
生長羌中慣橫笛，落梅疎柳詎關愁。

虞炎然在告

璚瓏浮闕定星光，河漢風清有報章。
秋水岸移新釣舫，藕花洲拂舊荷裳。
心深不滅三年字，病淺難銷十步香。
剩有閒情堪弄月，西湖竹色未應涼。

寄右武滁陽

奉常東署黷離居
賓從逢君興有餘
夜館聽歌迴騎曉
春城中酒落花初
山當拄笏時看馬
客過濠梁獨羨魚
最是隔江楊柳色
鄉心那惜數行書
平昌得右武家絕
決詞示長卿各哽
泣不能讀起罷去
便寄張師相感懷
成韻

哀響秋江迴雁聲
雨霜紅葉淚山城
年來漢網人難俠
老去商歌客易驚
貝錦動迎中使語
衣冠誰送御囚行
長平坂獄衝星起
可是張華氣不平
臥邸寄師思南

臥病高齋倚葛巾
隋頭何地著清真
畫長門簿添過客
夜短窗紗減侍人
西郡酒泉那可乞
南城水井復無因
惟堪夢裏期心賞
竹箒花溪過酉辰
寄樂石帆儀曹

鶯逗湖南烟雨怪
吳江夜語孤舟開
山深薄酒易醒醉
天遠輕兒難往還
作縣真如懸度國
遷官欲似飛來山
子公帝城能憶否
下馬常眠雙樹灣
卽事寄孫世行呂玉繩二首

平昌四見碧桐花
一睡三餐雨放衙
也有雲山開百里
都無城郭湊千家
長橋夜月歌攜酒
僻處春風唱采茶
卽事便成彭澤里
何須歸去說桑麻

偶來東浙係銅章只似南都舊禮郎花月總隨琴在席洲青竹與印成香
村歌曉日茶初出社鼓春風麥始嘗大是山中好長日蕭蕭衙院隱焚香
達公舟中同本如明府喜月之作

世外人應見面難一燈高興石門殘生波入檻浮春淺細雨橫舟濕夜寒
彼岸似聞風鐸語此心如傍月輪安不知天上婆娑影偏照恒河渡宰官
過安福舊邸口號

官學新移近禮闈行經舊邸思依依飛帘巷口人曾拂舞轡街心馬似歸
粉障自尋題處迹薰爐重對護時衣歸家少婦迎門問粧閣簾閒燕可飛
遺夢

休官雲臥散僊如花下笙殘過客餘幽意偶隨春夢蝶生涯真作武陵漁
來成擁髻荒烟合去覺攀帷暮雨疎風斷笑聲弦月上空歌靈漢與踟躕
送劉參藩寄問東莞覃見日盧海疇諸子

曲江春老賦停雲病淺臨風一送君暫有公榮宜對酒那堪孫楚卽離羣
高餐露菊逢秋盡細語霜鍾入夜分更折梅花問耆舊羅浮清隱最相聞
前廣昌令胡君仲台白塔小飲

眼裏金臺不可登
江天一醉幾年曾
歌巾曲檻過鳴雨
躑步斜陽到塔棱
咏逐蟾流開夕帳
坐分蟲語暗秋燈
談交亦自風塵好
獨宿孤遊也未能

送費師之寄兆卿

未須裘馬去翩翩
風物名家自儼然
數幅輕羅留結帶
一杯芳艸寄題箋
青衫客散河橋柳
暮雨春歸寒食天
定向林間呼小阮
荷湖新著釣魚船

送艾太僕六十韵

太僕以乙科爲郎論江陵起復氏起南鴻臚

世閥高臨汝衣冠
起岳州精靈華蓋
曉氣脉洞庭秋
江漢稱才子瀟湘托
好述儒林蒼玉滿
郎署白雲悠是日
江陵相長星寓縣
愁禮嫌金革變權
誤墨綵留奮筆含
香勇衛冠執法羞
燕臣驂伏闕楚客
竟爲囚御挺驚魂
落丹墀濺血流動
傳天詔獄分作鬼
投幽遠竄逢羣魅
銷冤失爽鳩秦城
將急杵漢靈欲窮
釣淚濕條支盡身
拚并鬼休扶顏依
枸杞作語向羗牛
洗雪人難待迷陽
運忽周機權還太
乙氣色墮蚩尤詔
旨須人望恩波許
自由主關嶠鳥道
青海發龍湫遂作
雲雷起還令湘漢
浮法星低照蜀明
月遠通洛復有東
門恨難爲西塞憂
猿鳴初黯淡鶴怨
轉夷猶龍影迴江
郭巴雲護岳樓文
章雷入霧富貴起
隨漚天在山難畜
王明井必收九河

原曲直百鍊肯剛柔光祿徵能就陪臺出似遊蒼梧蟠帝寢芳樹繞潮溝
典客高情映祠郎清燕酬如雲瞻鬱鬱似雪恥蟬蛸好以清琴弄時將白
簡抽似綠參世業不惜偶人儔下秋依園廟齋心隔冕旒時時分羽籥一
一聽鳴球署色朝霞起祠陰宿鳥啾才情空在苒苒舊得優遊翰墨飛長
紙壺觴引薄脩忘年過瀟落淡歲語綢繆受命同嘉橘孤株感若榴看松
高蓋偃援桂晚枝樛世事留黃閣公才尚黑頭乞婦丹疏入言佩尺書投
岩卑宜專坐朝鈐且七駒離心眷蘭菊別韻起梧楸定蓋鴻臚道千旌白
鵞洲月卿爭祖席雲從識僊舟片州搖清篴江花照敝裘行藏燕市古出
入楚門修去欲蒐戎乘行將咏德輶鳳洮鳴鏑滿雲翔羽書薦汧渭秦非
子河源漢列侯羌胡形欲詭將相語猶偷馬轂經年減燕金幾處求和戎
虛漢物贈策豈吾謀太白朝芒角崆峒宿踐蹂英雄懷玉劒形勢惜金甌
老亦趨千里今何問一丘駿圖周問得戎議傳咸優並事今吳趙長流舊
沈鄒羣公心赤苦高爵歲華逝未必參帷幙看君展一籌

萬侍御赴判劍州過金陵有贈

君以邊事論政府行

紫氣通華岳黃圖闢艸萊地遙金柱接天廣玉門開雪嶺燕支逼湟池曳

落迴安機餘上策駕御失雄猜世數鳴沙積風烟壘壁摧奸關嫌說劍斷
道怯行枚倍有金繒去毫無善馬來市和虛內帑買爵富中台醉吏囊誰
問疲儒穀浪推虜王迎後佛胡婦戲前媒席煖戈猶枕盟寒壑欲灰飲河
清渭赤食月白星災萬里城危蹙三公綢數恢借籌沉漢幄折檻起雲臺
字挾披肝苦章飛戰血哀叫閨心展轉臥閣語徘徊鬼謁能燭日神奸不
畏雷繡衣翻遠影封事委浮埃墮隼掀難下臺落未回敵人乘障舞壯士
隔河吟朝露商君藥章江蜀漢材燕磯朝鷁語牛渚夜星陪色笑誰雙枕
心知且一杯燭開燕黯淡車入劔摧頰角韻寒吟徹雞聲暗舞催春王回
斗柄月將在河魁水雪陰將解風雲氣似培秦中初折柳江外與題梅去
色連雲棧歸心灩澦堆參軍輯自好灑洒絕倫才

初發瑤湖次宿廣溪別英十一舅陸八弟

病瘦邪臨鏡清虛欲系綿春糧三月外伏枕一秋偏吉日將行色殊方或
勝緣暑過新雨薄氣逐晚雲鮮堂上行猶怯低窗寢似使命飄危葉起相
濕死灰然君子能無瘡良醫幸有全月窗催藥杵雲戶隱書箋氣弱難扶
餓裝輕得渡船斑爛垂地泣葱鬱舊塋憐故故隨搖曳悠悠獨遡沿金隄

斜照落瑤水暮風旋客夢初移枕勞歌始扣舷
外家依天下中國向窮邊
肝膈江連峽雷瓊海隔天滄浪誰莞爾岐路欲
然星謫郎官遠心知宅
相賢賦詩蒼舊引樽酒樂人傳鳩祝人難老鵬
扶尉欲仙山川彌望積丘壑幾時專

秋日西池望二仙橋

池上映秋光登臨愛夕陽鏡中蒲柳色衣上
艾荷香聽雨初留屐當風一
據牀倚蘭延客語高菊以鄰芳紫翠連山
暝晴陰隔水涼坐看人世小仙
馭白雲鄉

相圃新成十韻示諸生

禮樂在平昌諸生立射堂山形君子似地脉
聖人傍四獸風雲合三龜日
月良天門馳直道星舍翼迴廊半壁新泉
煖成帷舊木蒼嘗聞殷曰序如
見孔之墻逮意桑蓬色清歌蘋藻香修容
隨抗耦射策擬穿楊有鵠求臣
子爲侯應帝王同科非爾力得雋乃吾祥

奉寄李蒼門諫議并呈省院諸公二十韻

漢壁藍光遠秦關紫氣深寶運開華岳仙
樹出咸林夕拜連封事宸遊費

雅箴國家方有道天地得無心震位遲佳氣西師急好音數災山少木厥
貢土惟金漸覺風謠苦長看日氣侵蘭絲抽欲老仗馬噤難任地大誰爲
政天高汝作霖英奇才世出虛薄病年侵愧見同門友愁聞倚柱吟越中
隨奏計朝下慙攀尋繡轡凌朝踐清尊薄夜斟賞新喧散帙懷舊默沾襟
自合王喬履誰分子賤琴霸孤魂莽蒼朝集意蕭森路盡求牽復春多肯
幸臨子牟留魏闕陶令去江潯報政將遺珮彈冠擬合簪桑榆如薄照蘭
菊待分陰

登獻花岩芙蓉閣

木末芙蓉出花岩艸樹齊陵高諸象北江白數峯西

遷祠部拜孝陵

寢署三年外祠部初報聞臣心似江水長遶孝陵雲

恩平中火

海氣層雲盡山烟遠燒浮孤臣隨早晚一飯是恩州

南海浴日亭拜長至

孤臣遙浴日浴海亦書雲願得扶桑影年年奉聖君

廬山迷路

借問采茶女烟霞路幾重屏山避不斷前面剪刀峯

廣陵偶題二首

歲月隨人去風塵可自如偶然流淚處翻着舊時書
忽忽知何意悠悠向此方怯知新涕淚還是舊衣裳

有友人憐予乏勸爲黃山白岳之遊

欲識金銀氣多從黃白遊一生癡絕處無夢到徽州

信陵君飲酒近婦人

魏國乃爲累萬古悲公子世上無神僊英雄如是死

司馬德操謂龐德公妻子作黍元直欲來

世亂難爲士存身各有致鹿門一輩人未測語何事

黃金臺

昭王靈氣久疎蕪今日登臺吊望諸一自蒯生流涕後幾人曾請報燕書

廣陵夜

金燈颯颯夜潮寒樓觀春陰海氣殘莫露鄉心與離思美人容易曲中彈

病酒答梅禹金

青樓明燭夜歡殘，醉吐春衫倚畫闌。賴是美人能愛惜，雙雙紅袖障輕寒。

江宿

寂歷秋江漁火稀，起看殘月映林微。波光水鳥驚猶宿，露冷流螢濕不飛。

卽事

漢家七葉珥金貂，不見松陰歎綠苗。却歎江陵浪花蕊，一時開放等閑消。

七夕醉答君東

玉茗堂開春翠屏，新詞傳唱牡丹亭。傷心拍遍無人會，自拍檀痕教小伶。

八月三日得月亭夜宴有感而作

多情多病莫多愁，纖月風亭得乍遊。我亦池塘當口好，斷雲城郭夜侵樓。

題東光驛壁是劉侍御臺絕命處

哀劉泣玉太淋漓，棋後何須更說棋。聞道遼陽生會日，無人敢作送行詩。

先是過客題詩，劉侍御者徧滿驛壁，義仍書凡詩後人遂絕筆。瞿元立爲余誦之，與今集本互異。

朔塞歌二首

白道徐流過五重青春繡甲隱蒙茸啼驄莫緩遊鄉口崇鵲長看小喜峯
獨上偏頭笑一回娘娘灘上繡旗開金珠不施從軍婦順義夫人眼裏來

胡姬抄騎過通渭

渭南兵火照城山十八盤西探馬還似倚燕支好顏色秋風欲向妙娥關
送賣水絮人過萬州

江西水絮白輕微殘臘天南正葛衣見說先朝曾雨雪檣柳寒落凍魚飛
鸚鵡賦

隴西千里向平原西笑時時綠羽翻不似穉生終見殺止因能作世人言
憶光孝寺前看蕉花作

拜朔臺前春色深碧雲江上幾沉吟霏紅膩綠蓮花女抽盡芭蕉一卷心
歎卓老

自是精靈愛出家鉢頭何必向京華知教笑舞臨刀杖爛醉諸天雨襍花
始興舟中

石罌畫眉春色開有人江上寄愁迴轉風灣底曾迴燭新婦灘前一咏梅
辛丑大計聞之啞然

孫劉要使不三公
點滓微雲混太空
比似陶家栽五柳
便無槐棘也春風
哭梅克生

眼裏衡湘一个無
文情吞漢武吞胡
錦衣躍馬吾何泣
十載窮交在兩都
望耆兒

清遠樓中一覺眠
雨驚風燕乍晴天
年來愛作園樂語
不得中男在眼前
達公來別云欲上都

艇子湖頭破衲衣
秣陵秋影片雲飛
庭前舊種芭蕉樹
雪裡埋心待汝歸
歸舟重得達公船

無情當作有情緣
幾夜交蘆話不眠
送到江頭惆悵盡
歸時重上去時船
忽見繆仲淳二首

屏風疊裏雁初迴
灩澦湖天片月開
紫柏去時春色老
可中還有到人來
數滴瓶泉花小紅
絲禪供翠盤中秋
光坐對蒲塘晚一
種香清到色空

宗望酒中言別

又客逢秋心易傷
新聲還此盡離觴
休將半路梅花嶺
夢斷相思玉茗堂
送張伯昇世兄入燕
伯昇子師前郡丞
太叔起潛公子也

斷帆秋水送將歸
滿目黃花細雨飛
淚盡報恩惟一劍
要離家上血沾衣
上巳燕至

一回憔悴望江南
不記蘭亭三月三
花自無言春自老
却教啼燕與呢喃
先寒食一日同張
了心哭王太湖表
翰林

張衡愁處起離情
不見黃州王子聲
絮酒隻雞千載事
楚天明日是清明

雨蕉

東風吹展半廊青
數葉芭蕉未擬聽
記得楚江殘雨夜
背燈人語醉初醒
讀錦帆集懷卓老

世事玲瓏說不周
慧心人遠碧洲流
都將舌上青蓮子
摘與公安表六休
送王孔憲越遊懷中郎

赤日行天豈去時
山陰殘雪夜何之
飄花漱石寒如許
曾見袁家五泄詩
飲青來閣卽事二絕

城南烟色遠萋萋
高宴城隅日未低
最是一春撩落處
鞦韆斜月盡樓西
東南山色翠逶迤
日照西陵上酒遲
看罷鞦韆微有恨
不敲方響出紅兒
臨章樓聞越舸且別悵然二首

臨章樓畔唱歌頻亂
風花枝記飲巡定去揚州須說與相憐還是故鄉人
亂帆秋影半江樓燕語滄涼傍客舟便去揚州且明日故鄉今夜有人留
聞瀛貴道阻問瑞芝中丞二首

金沙原與蜀通津路出黔陽千里塵何事不教東一綫蘭渝千古爲他人
鬼氣臨參不肯降時時兵甲問南邦天開貴竹當雄楚地擁西臺接麗江
偶作

兵風鶴盡華亭夜彩筆鵬銷漢水春天道到來那可說無名人殺有名人
官閣

蘭歌滅燭暗逢迎檻倚紅梅發艷輕半醉卷簾春雪裡竹厨熅火夜分情
小小

少小詞場得浪名句頭文字總忘情若非河岳驅排盡定是烟花撥換成
口占長句建安三月三

排比新聲接舊韻重門初燕語春寒心知口莫能留客明月西園是建安
送楊吉父伍念父鄉試二首

明遠樓前潮水連月中相對兩蒼然姁娥既有長生藥未必全將與少年

友聲相喚出河津伐桂丁丁向月輪大有少年那薄倖姮娥須惜七成人

撥悶偶懷江陵相以下八公

總教拋却宦情何忽自悲傷忽笑歌半百年來遷客裡數家開閣不曾過

漫書客唐觀察四首

嶺外梅殘鬢欲星孤琴搖拽越山青只言姓字人間有那得題名到御屏
縣小河陽花遍開金盤露冷醉人來也知不厭山公故解事長虧女秀才
蘭署江南花月新封書纔上海生塵心知故相嗔還得直是當今丞相嗔
一疏春浮瘴海涯五年山縣寄蓮花已拚姓字無人識檢點封章得內家

寄謝餉部遼左二首

憶漢窺關事欲多遼陽當已失紅羅寧前直鈔開原路止隔三岔一渡河
中郎萬里寄軍儲海餉登萊似國初若逢全遼堪郡縣只消家令幾行書

書金史後

冷泉長共此山河却爲中原涕淚多看到幽蘭軒裏事依然流恨似宣和
病中答繆仲淳

不成何病瘦騰騰月費巾廂藥幾楞會是一時無上手古方新病不相能

與李太虛

少年豪氣幾時成
斷酒離家向此行
夜半梅花春雪小
窗燈火讀書聲

別謝耳伯

深尊明燭意何窮
漸喜南行背朔風
吳粵去來將萬里
人情多在絕交中

送別劉大甫

欲別悲歌難又鳴
白頭無計與劉生
恩讎未盡心難死
獨向田橫島上行

柳絲樓感事二首

殘日西樓映粉紅
畫眉吹蹙柳條風
重來攀折人何處
腸斷千絲一笛中

子

一年春事賞心同
千里湘皋曲未終
別恨乍隨帆影去
柳條留暈半絲風

關南上橋寺候黃觀察善卿殯不至漫占催裝詩奉呈輓習諸君

送豐城陸郡博康州

薤露將晞早食前
如何覲說五更天
因風寄與雞鳴枕
則爲長眠廢短眠

雷陽曾此佇征槎
歲月郵前溪路斜
尚有湖頭雙雁至
數程猶未到天涯

花朝

百花風雨淚難銷
偶逐晴光撲蝶遙
一半春隨殘夜醉
却言明日是花朝

送商孟和

曾見春箋小韻清
曲中傳道最多情
西江大有多情客
不得江東一步行

四月八永安禪院期超無

清朝不見小彌天
竹塢炊茶過午烟
解是雨花新浴佛
諸天誰供洗兒錢

問李生至清

麻姑山水蔚藍天
醉墨橫飛倚少年
却被倒城人笑煞
太平橋畔野僧眠

覽李生至清

李生至清字超無
江陰人少負軼才
踴躍自放年十二
負笈遊四方友其
名人魁士遇里中
兒輒嫚罵或向人
作驢鳴曰聊以代
應對耳里人噪而
逐之年二十來依
余結隱破山居三
年別去薙髮于茆
峯余以姚少師姊
語規之未幾果蓄
髮韎韐從戎復棄
去薄遊江外謁義
仍于玉茗堂髣髴
髮鬢然時時醉眠
伎館義仍作詩諷
之所謂倒城太平
橋者皆臨川拘欄
地也江上富人與
超無有連超無醉
後唾罵富人若囚
牢中養物多藏阿
堵爲大盜積耳富
人被盜疑超無畜
健兒爲之縣令遣
尉搜超無篋街書
尺

狼藉所與往還皆一時勝流令指其冠歎曰此物戴吾頭不久矣鍛鍊且獄坐超無爲盜謀曲殺之以自解超無在獄中飛書賦詩唾罵縣令富人蜚語間入令益恨且懼令獄吏撲殺之李生恃才橫死身填牢戶要爲臨川通人所共歎息錄臨川贈詩遂牽連及之無使其無聞也超無有問世集臨川爲序載玉茗堂集中

虞山別受之短歌有序

萬曆戊申春余自臨川訪義仍先生還江上將擔簦北遊別受之于虞山與何子季穆夜集履之之覽鳳軒受之卽席賦詩贈余云總爲廉纖世上兒漂零千里一軍持胸中塊壘三生誤脚底嶙峋五岳知使酒浪拋居士髮佯狂真插羽門旗游燕莫問中朝事紫柏龍湖是汝師余爲之擊節高歌感激流涕口占短歌奉酬兼以爲別人生如空中鳥跡越北燕南滅沒萬里今夜一尊知非長別他日寓書臨川以吾二人詩示之

幽期不爲春風帶十里桃花千里淚無計飢寒欲賣天有時骭髀能翻地交知半窮亦半老呼鷹走馬恨不蚤是處離魂灼綠波十年姓氏萎青艸越人病吟楚人泣長歌歌罷謀長別才子心花筆下生旅人愁盡燈頭結

悲風噫雲雲化鬼睨簾欲啗詞人紙青眼高歌能送子眼中臨川與吾子

別唐君俞

別是人間催老物窮爲我輩絕交方相思最苦長安月不照離人夜半牀
題盡寄鄒公履

一帶雲山如夢裏片帆別處不分明傷心只說寒塘柳泣雨啼烟送我行
帥思南機

機字惟審臨川人隆慶戊辰進士爲南膳部郎謫彰德府知萬曆甲午進
平西夏頒詔付史館稍遷南刑部郎移疾歸進南京賦出知思南府論劾
免官惟審與湯義爲友長于義十餘歲惟審爲郎義入南成均晨夕過從
故有著冠須訪戴脫冠須訪帥之詩惟審罷思南卒其子從龍事義甚謹
義長于瘍于南都哭之詩曰泉臺帥伯堪依止爲道從龍一片心兩家交
誼可知也惟審有臨川四僞詩爲湯孝廉顯祖謝秀才友可曾秀才粵祥
吳公子拾之湯詩則以惟審爲首惟審多讀古文奇字好詞賦擬古二京
文諸篇什僅存營魄要爲淹雅名士曾吳詩皆不傳友可名庭諒與其弟
曰可名庭讚皆舉進士官皆不達義仍晚歲以詞賦傾海內而二謝著作

庸假爲時所輕友可心不能平嘗語予曰湯生少遊賤兄弟閒賤兄弟讀
文選湯生亦讀文選余笑應之曰詞人讀文選正如秀才讀四書看作手
何如耳餘姚孫鑛論近代文章家稱能爲六朝者曰湯某謝某世人耳食如
此無怪乎友可之自負刺刺不休也

送客寓清涼寺一首

世傳舊有胭脂井

六殿清幽歌管餘今朝化作楚王居後庭花謝胭脂冷猶自涼風薄綺疏

秋雨三首

畏景常欣秋候至秋深蕭瑟又堪傷楚山落木初悲客巫峽啼猿正斷腸
土鼓迎寒蟲織苦金風嘯律雁飛忙那堪寂寞荒齋裏雨滴梧桐夜未央
秋仲淒淒雨脚垂那堪秋杪益如絲登樓氣色朱華盡閉戶雲深碧蘚滋
鳩雀凝陰猶自化蠨蛸掛牖正堪悲遙憐江海驛人淚却慮邊陲胡馬馳
擬峴臺前新水盈憑高廓落盡秋聲地藏炎熱乘陽極人善憂思感氣清
四運偏宜傷宋玉五悲猶復類盧生纏綿處繭紛相似欲學冲虛一魄營

表庶子宗道

宗道字伯修公安人萬曆丙戌會元選庶吉士授編修歷官春坊中允至

右庶子年四十有二以光祿東宮舊學贈禮部侍郎有二弟曰稽勲宏道
儀部中道所謂公安三袁者也伯修在詞垣當王李詞章盛行之日獨與
同館黃昭素厭薄俗學力排假借盜竊之失于唐好香山于宋好眉山名
其齋曰白蘇所以自別於時流也其才或不逮二仲而公安一派實自伯
修發之伯修論本朝詩云弇州才却大第不奈頭領牽掣不容不入他行
市然自家本色時時露出畢竟非歷下一流人晚年全效坡公然亦終不
似也余近來拈出弇州晚年定論恰是如此伯修可謂具眼矣

和東坡岐亭戒殺詩

三日不飲酒無異蝸亡汁一日不食肉有似魚離濕放箸候已空一飽竟
何得口腹我所緩性命彼甚急渾沌池笑蚶蜆閹弱敗雞鴨血色蝕刃砧腥
烟蒸帷幕不思味報至鐵網火洞赤一念懺積習黑業立化白譬如遇赦
囚鉗鍊換冠幘戒力殞虛空魔王盡哭泣世典不戒殺竺書縫其缺採毛
可薦神烹葵堪邀客斷殺從此始無令冤垢集

咏懷效李白

人各有一適汝性何獨偏愛閑亦愛官諱譏亦諱錢一心持兩端一身期

萬全顧此而失彼憂愁傷肺肝人生朝露促世福誰能兼裴相豈不達髮
日方壯年北窗高臥人垂老缺朝發良無丘壑貴安有火食仙陵谷且難
平梯米寧不然一毛附馬體安問缺與完角者奪其齒飛者不能潛鵬飛
不笑鸞鵠行不愛蛟爾莫信爾意兩粥攤衾眠

同惟長舅讀唐詩有感

數卷陳言逐字新眼前君是賞音人家家櫝玉誰知贗處處摘龍總忌真
再捨肉黥居易句重捐金鑄浪仙身一從馬糞卮言出難洗詩家入骨塵
雪中共惟長舅氏飲酒

盆梅香裏倒清卮閒聽羣鳥噪凍枝飽後茶勲真易策雪中酒戒最難持
鑪心香燼灰成字紙尾書慵筆任欹共話當年騎竹事如今雙鬢各成絲
表稽勲宏道

宏道字中郎萬曆壬辰進士除吳縣知縣縣繁難治能以廉靜致理踰年
稱病投劾去遍游吳會山水作錦帆解脫集改京府學官國子博士遷禮
部儀制郎歸臥柳浪湖上凡六年以清望推擇改吏部繇文選考功遷稽
勲郎中移病休沐不數月卒于家年四十有三萬曆中年王李之學盛行

黃茅白葦彌望皆是文長義仍斬然有異沉痾滋蔓未克芟薙中郎以通
明之資學禪于李龍湖讀書論詩橫說豎說心眼明而膽力放於是乃昌
言擊排大放厥辭以爲唐自有詩不必選體也初盛中晚皆有詩不必初
盛也歐蘇陳黃各有詩不必唐也唐人之詩無論工不工第取讀之其色
鮮妍如旦晚脫筆研者今人之詩雖工拾人舊餽縱離筆研已成陳言死
句矣唐人千歲而新今人脫手而舊豈非流自性靈與出自剽擬者所從
來異乎空同未免爲工部奴僕空同以下皆重儔也論吳中之詩謂先輩
之詩人自爲家不害其爲可傳而詆訶慶曆以後沿襲王李一家之詩中
郎之論出王李之雲霧一掃天下之文人才士始知疏淪心虛搜剔慧性
以蕩滌摹擬塗澤之病其功偉矣機鋒側出矯枉過正於是狂瞽交扇鄙
俚公行雅故滅裂風華掃地竟陵代起以淒清幽獨矯之而海內之風氣
復大變譬之有病于此邪氣結轡不得不用大承湯下之然輪寫太利元
氣受傷則別症生焉北地濟南結轡之邪氣也公安馮下之劫藥也竟陵
傳淞之別症也餘分閨氣其與幾何慶曆以下詩道三變而歸于凌夷燿
熄豈細故哉小修序中郎詩云錦帆解脫意在破人執縛間有率易遊戲

之語或快爽之極浮而不沉情景太真近而不遠要亦出自靈竅吐于慧
舌聖錫頌足以蕩滌塵坌消除熱惱學者不察效顰學語其究爲俚俗爲
纖巧爲莽蕩爲焉三寫弊有必至非中郎之本旨也余錄中郎詩參以小
修之論取其申寫性靈而不悖于風雅者學者無或操戈公安而復噓王
李之澁斯道其有瘳乎

古荆篇

年年三月飛桃花楚王宮裏鬪繁華雲連蜀道三千里柳拂江堤十萬家
丹樓繡幌巢飛燕青閣文窗起睡鴉鴉啼燕語等閑度不記江城春早暮
東風香吐合歡花落日烏啼相思樹王孫挾彈郢門西少年借客章臺路
少年嬌嬌名都兒雕鞍朱勒黃金羈採桑陌上青絲籠紅粉樓中白紵辭
白紵綠水爲君起青春環珮如流水東城絲管接西城相府豪華壓朱郎
俠客飛鷹古道傍佳人賣笑垂楊裏垂楊二月隱朱樓家家宴喜樓上頭
鷓鴣喧闌朝送酒管絃嘈雜夜藏鉤繁絃急管夜初闌惜花少女怨春殘
桃花灑灑歌成血蘭炷漫漫火送寒曉風楊柳青蒲浦秋月梧桐金井欄
秋月春花無斷絕門前卻李九迴折願作陽臺雨後雲誰憐洛水風中雪

陽臺洛水夢空長那似倡家玳瑁牀
得東家佳姊妹却延西第好兒郎
織成錦席迷蝴蝶種得青梧棲鳳凰
遊人戀戀無窮已踏遍江城春萬里
只解賓從集似雲那惜年光去如矢
花開花落迥生愁郢樹那雲幾度秋
霍氏功名成夢寐梁王臺館空山丘
榮枯翻復竟何言昨宵弱水今崑崙
無人更哭西州路有雀還登翟氏門
漢恩何淺天何薄百年冠帶坐蕭索
昔時噓氣成烟雲今朝失勢委泥礫
青娥皓齒嫁何人金牀玉几爲誰作
已矣哉歸去來楚國非無寶荆山空
有哀君看白雪陽春調千載還推作
賦才

擬宮詞七首

玉殿蓮籌夜未央內人傳旨出昭陽
朝來剛赴西宮約莫遣經筵進講章
宜春苑裏日初斜三百妖童校麗華
銖銖衣朱鬋馬不知若個是官家
百子池頭九子萍美人雙照月枝青
宮槐葉落春如水詠得蓮花兩卷經
阿監當頭送好音羊車行處載鸞衾
朝來領取鋪宮例御帕親封少府金
彩仗龍旌拂曙輕朝朝東閣坐先生
皂囊久積言官奏分付金璫取次行
金衣滑滑攪春眠白髮中官進簡編
天子自臨宣示帖美人親碾校書箋

一般春色有枯榮十樹櫻桃九樹生拾得青梅如彈子護花鈴下打流鶯

傷周生

溪頭曾見浣春紗珠箔于今天一涯紫陌重遊千寶騎青樓無復七香車
美人南國空湘水處子東隣是宋家記得西廊香閣裏餅花長插一枝斜
客有贈余宮燭者卽席同劉元定方子公丘長孺陶孝若賦之

刻鳳含魚吐春燄只擬蓬萊天上見綠綈方底散青烟一朝別却宮雲面
不照明璫翠步搖書帷自剪讀離騷捍撥春雷罷不聞細雨珠花滴小槽
韓家燈檠夜相伴離離朱粉烟黃卷瓦瓶石臼竹方牀上有羅文折角硯
莫道不如宮裏時高齋守盡蘭心茜邯鄲才人嫁野養猶勝閉置閒宮殿
柏梁宴罷霞成堆昆明池底夜珠來紅膏自羶不得近阿監但掃沉香灰
汗花凝滴雪珠膩蜀葵粉濕青蟲醉一石酒盡尚留髡扇如甃兒爛熳睡
燭龍傳語九微光輪盡婪杯老閒吏

紫驕馬

紫驕馬行且嘶願爲分背交頸之逸足不願爲追風絕景之霜蹄霜蹄滅
沒邊城道朔風一夜霜花老縱使踏破天山雲誰似華陰一寸艸紫驕馬

聽我歌壯心耗不盡奈爾四蹄何

郊外水亭小集三首

山自蕭森澗自寒却憐勝地在長安桐陰恰好當窗覆柳色終宜近水看
已倦呼兒猶問酒不情逢客強加冠湘江亦有幽居處多少芙蓉憶釣竿
幽篁戛戛坐來清懶慢都無對客情戲水鷗雖分浪出趨巢鳥母曳枝行
堂前羯鼓人三爵花下彈碁鳥一聲紅藥青軒如夢裏幾年塵傍馬頭生
清歌嫋嫋兩妖童尼酒題詩興轉工拾翠女來虛檻外分蔬人立小畦中
落花撲面都如雪密阿宜亭不礙風惟得夜來鄉夢好穿雲直入武陵東

秋閨

秋色透羅幃寒芳片片飛蛩吟生暗壁螢火度空機閨月流新照簾霜換
故衣征鴻與蕩子同去不同歸

別王百穀

河上清霜雁字斜西風匹馬又天涯錦帆逕遶郎官舍冠子橋通處士家
好事每供梅月水清齋長試穀前茶東隣不是無姝子眼底何人解浣紗

虎丘

一片千人石瑩晶若有神劍光銷不盡留與醉花人

春江引

溪澌澌艸莪莪野桃露滴珊瑚紅花氣曉腥魚子浪柳枝晴扇麥苗風美人羅袖撲香藥科斗旋旋丁子尾百舌欲止復衝人一聲滴溜芳溪裏

皇甫仲璋邀飲惠山

東風吹水浴平沙鷗鷺滿釣槎去日翟公猶有客到來潘岳已無花谿鱗呷雨層層浪山碓春雲處處家白石青松如畫裏臨流乞得惠泉茶

和萃芳館主人魯印山韻

愛看幽鳥曝新陽每遇嘉陰卽倒觴盡日竹烟消酒去有時鶯語入簾長春塘雨過波紋亂花塲風回蝶翅香行到碧橋深柳處一帆涼月滿吳航

小婦別詩

弱柳輕帆快送人巫山原是女兒神願隨灤火清明雨洗却錢塘十里塵

廣陵別景升小修

搔頭幾日見新絲二月河橋上馬時長短官街驚夢鼓高低楊柳買腸枝江烟一擔充行李流水三叉各路岐北地南天千萬里青巾白帽幾人知

淮安舟中二首

別思抽如緒醒醒也不休觸篷風自語研槽浪相揉野釣空舟側荒審古
渡頭微官真可笑諺語拾莠族
空郊不可行積礫與蒿平
耳懸枯木燒痕入古城按圖知舊壘認柳識
郵程一望淮陰墓令人百感生

淮陰侯祠淮陰云解衣衣我推食食我

秋郊兔盡韓盧簪三尺青蛇捲鋒穎到手山河擲與人却向雌雞納腰領
英雄枉足歸羅網辯士舌端空來往本將衣飯畜王孫未許肝腸敵亭長
一局殘碁了項秦五湖西子白綸巾貪他一顆真王印賣却淮陰跨下人
——經下邳

諸儒坑盡一身餘始覺秦家網目疎枉把六經灰火底橋邊猶有未燒書
擬古樂府有序

樂府之不相襲也自魏晉已然今之作者無異拾唾使李杜元白見之不
知何等可笑也舟中無事漫擬數篇詞雖不工庶不失作者之意

飲馬長城窟

長城水鳴咽夜夜作鬼語問子何代人防胡舊軍旅冤魄滯孤魂不得歸
鄉土白水洗白骨難盡水酸楚洗多成黑流水性毒于蠱立馬古戰場長
嘶待天雨

長安有狹斜行

按金駒立長溝此把落盡榮華秋山西女兒怕勒頭面上堆粉髮堆油二
十五絃彈箏篋猩紅衫子葡萄袖笑問南粧如此不

妾薄命

落花去故條尚有根可依婦人失夫心含情欲告誰燈光不到明寵極心
還變只此雙蛾眉供得幾迴盼看多自成故未必真衰老辟彼數開花不
若初生艸纖髮爲君衣君看不如紙割腹爲君餐君噍不如水舊人百宛
順不若新人罵死若可回君待君以長夜

相逢行

行行卽曲巷曲巷多蒿艸窗路掠蛛絲讀書歲月老壁上榮敗圖手裏黃
石編當盡三時衣不直數緡錢兒女無裨著常時煨故紙稅地植桃花十
樹九樹死君莫悲腐艸腐艸發光耀玄霜畏冬青白髮傲年少

悲哉行

石馬立荆棘荒城叫老狸昔時冠帶人唯有鶴來歸宿志慕長生明黨蓋
刺譏父母不我容碧海三山飛朝牧老君龍募守劉安雞仙家歲月長桃
子三垂枝婦來見荒塚半是孫曾碑城池百易主族里無從知古人悲夜
繡今我亦似之白骨不可語鶴歸空爾爲

門有車馬客行

門有車馬客錦襴烏紗巾寒毛接短髮絲絲沙與塵問子何勞勞上書西
入秦八年始一命官卑不救貧冒霜捐楓柳望灰拜車輪一身百糾縛形
如一束薪手纏不自解利刃寄他人庶與藥同餐雖甘亦苦辛

京洛篇

煌煌京洛城朱衣喧廣道白首賤書生驢鞍掛詩艸懷刺謁恩門門卒相
輕眇十上十不達登街顏色槁疊身事貴公習諛苦不早單眼一寸紗茫
茫遮人老

蝦鯨行

蝦鯨出潢潦道逢東海使魚服而介身呷浪以相戲物微恐見侵跳波爭

勢臂東陂招能兄西谿喚螺弟水蟲萬餘種各各條兵議聚族鼓鱗鬣不
能當一噉

升天行

乘赤霧輓轡轍路逢王子晉玉簫吹已折織女弄機絲餘緯爛霄闕下土
蟻虱民誤喚作雌霓張翁老且耄舉止多蝶褻侍仙三萬年不曾見隆準
其人多竄左天狐慘餘孽義御失長鞭牽牛歎河竭

擢歌行

妾家白蘋洲隨風作鄉土弄篙如弄鉞不曾拈一縷四月魚苗風隨君到
巴東十月洗河水送君發楊子楊子波勢惡無風浪亦作江深得魚難處
鵝充饒臠生子若鳬雛穿江復入湖長時剪荷葉與兒作衣襦魚苗風洗
河水皆長年語

青縣贈潘茂碩

竹葉遮人吏公移只坐銷印牀生木耳解舍長蔬苗貧邑多詩料閒官有
醉僚一城不數武容得幾科條

梨花初月夜

梨花疎點貼窗流斜月笙簫處處樓醉裏不知花是影隔紗窗喚小揚州

天壇三首

空壇深淨馭琉璃
秀髮簪冠老導師
銅杏金塗秋艸裏
如今不似世宗時
碧翁難道是無情
分合千年議不成
不得寧居天亦苦
古來多事是書生
後主呼天爲碧翁

僊苑桃花朶朶香
曾於天上看霓裳
劉郎老去風情減
閑把音容問太常

昌平道中

菴前乞得老僧茶
一派垂楊十里沙
烏籠白簋憑揀取
麝香李子枕頭瓜
得舍弟徐州書

佳人生死不知聞
辜負梨花一面雲
昨日宮羅新裁剪
爲伊留得半拖裙
劉常侍水軒

竹葉崩沙岸槐根出釣磯
卷簾山放入打果雀驚飛
護樂添新幕拋毬換短衣
倦來觀洗馬戰絡盡珠璣

戊戌初度二首

禪燈灑灑雪玻瓈
貝典將來戒小妻
客裏羈情籠野鴿
鄉中春夢閱山雞

灰心竟日疏莊子彈舌清晨誦準提無限長林無限羽一枝那復計高低
閒居心似夾水魚雲裏輪蹄亦自疎研酒和來香泛帖瓶花吹落濕沾書
艱深乍覺詩如識消散方知道是虛一卷華緇緇未了被人邀得過僧廬

羅隱南王章甫小集齋中說舊事偶成三首

漢江秋淨石粼粼黃鶴樓高不見塵今日登臺歸却火眼中猶聚上樓人
萬瓦如鱗繡作堆別山重見禿翁來晴川閣下南條水一日同君蕩幾回
珠樓曲曲貯仙娃一帶風窗十里紗記得伊和門外路女牆東去是他家
入超化寺水村去密二十

頻繚壘谷瀉溪光石上題名尚李唐竹葉送陰遮古寺稻芒隨水出山莊
一林過雨蘆花白半壁疎雲粟子黃猶記幽風紅蓼裏桐槽載網入瀟湘
十六夜和三弟

涼月如霜鑒薄帷空杯無計覓糟醕買燈聊復歡兒女弄筆粗能遣歲時
花火每攢騎馬客蠟光先照走橋姬少年樂事今無幾近老方知此興衰
暮春同謝生注生小修遊北城臨水諸寺至德勝橋水軒待月時
微有風沙

無才終是樂官閒何地何官不解顏乍登乍鋪風裏水半酣半醉霧中山
御構板落金鱗出宮樹花翻乳燕還淺綠疎黃是處有泥人真自勝姬姬

送君超還武陵

山水心情謝永嘉斷溝殘石漸盈車高齋是處鴉棲墨娃閣頻分燕作家
袖裏新書驚惠子卷中逸事困張華易滕白恰仙仙去知入桃源幾樹花

和小修

薊州新酒白石缸空雲影澄鴨頭江露梢千縷撲斜窗黃筍藤枕夢吳甌
葛締小眼如雲涼星河放教萬尺長

和江進之雜咏四首

山亭處處挈胡牀不獨游忙睡亦忙官况易消如暴水癡兒難長似黃楊
巖花盛日求長假石榻開時見古方擲却儒紳與巾子添將水水注茶湯
盆池清淺薄苔封弱竹叢叢个影重殘帙有芸猶被蠹空闌無藥亦招蜂
西山鬱鬱蒸蒸氣講閣朝朝暮暮鐘暮暮數聲見五畝茶新寄白吳儂
藤葉常懸四五葩閒隨方野過隣家西廂托疾東廂假南寺聽經北寺茶
螺老花闌如倦客天清雲薄似飛紗姬衫典盡瓶猶餒學把紙錢托畫叉

六尺莎階九尺廬玄毫白楮任生疎花前屢之損愁酒架上聊存引睡書
斷竹細紋如浪滑吳綃寒緯似雲舒幽窗一枕騰騰去煉佛求仙事總虛
繁臺張昭甫給諫竹居王孫邀飲留別

白果青蔬勞遠程高臺傾矣曲池平沙田似雪耘枯塚柿子如丹綴土城
古蹟有無遺宋獄監門應否識侯生欲知別後愁多少試檢霜毛添幾莖
宿朱仙鎮

秋高夜鐸冷空庭艸木猶疑戰鐵腥地下九哥今悔不六陵花鳥哭冬青
羯胡歲歲括金錢稱姪稱孫也枉然馬角不生龍蛻冷酸心直到犬兒年
青驄挽斷綠楊絲寒食西湖祭酒時第六橋頭香十里桃花風起疊琉璃
祠前簫鼓賽如雲茹泣爭劉平古文一等英雄合恨死幾時論定曲將軍野
史載曲端事甚烈

柳浪館二首

偏將藍澣浸春顏風柳鬟鬟九尺鬟過幾迴沉影去僧來時復帶雲還
閒疏滯渠通鄰水擬與荒居下小山欲住維摩容得不湖亭纔得兩三間
一春博得幾閒顏欲買湖居先買閒鶴有累心猶被斥梅無高韻也遭刪

鑿窗每欲當流水詠物長如畫遠山客霧屯烟青箇裏不知曾在那溪灣

坐王章甫水明樓次陽

鑾光設色淺深間萬瓦鱗鱗鑑碧灣孤塔自來當涉口高僧却過說廬山
常時杯底沈黃鶴每就堂中乳白鵬南北精藍青比比蒲門纔得箇人開

瀑布

寒空日夜摩幽綠霧縠龍綃披幾束銀灣截斷牽牛人輒起照龍駕天散
帝宮酒暖澆愁春雲汁茫茫瀉清涼夜寒霜重玉女驕袖裏金匱向地覆
湘娥手挈瀟湘來雪魄雲魂關不足炎官不到落星城六月人間呵凍玉
人雪忽晴喜而有作

殘花殘木總精神纔見寅年一日春柳態美如新髻髮山容親似遠婦人
閒追老衲三餘輩更踏水池五六巡江郭早須騎馬出旋呼稚子覓頭巾
放言效白三首

賢愚富貴且憑他山上髻鬟柳上蛾鐵網試撈穿海月漁舟任載過頭沙
齊肩大士辭聾久禿髮中書感事多船上老郎江口女咿啞容易得成歌
鸞靴爭說上場難衫袖郎當且自看世路兩平三云嶺人情八折九迴灘

胸中毛女霞千片石上王喬藥一丸夢去幾番登岳頂扶桑清冰浴頰盤
高人竊欲比無功閒把心情托去鴻易象有時輪瓦卜騷材兼不廢姪風謀
生拙似嘶冰鶴觸事剛如蝕木蟲莫放大鵬天上去恐避白日駭愚蒙

柳浪初正有僧寄山子

旋睽白髮號衰翁舊業今該次第空山鳥乍聞新格磔峽僧遙寄小玲瓏
坐消纖雨輕陰日閑踏疎苔淺碧風收拾方橋與蘭藥待看紅萼慢流中
別龍君超君御兄弟

青鞋不破武陵春歸去西風一面塵荷葉山頭聞杜宇余村居名荷葉山
桃花源上別秦人深村稻熟泉當戶廢苑茶香寺作隣可是無花無地主
祇緣無計得分身

桃花流水引四首花源棹返幽思縈懷枕上夢中如有所得命曰
桃花流水引亦仙家竹枝詞也

華陽巾子碧絲環紫府簾前舊押班阿母筵頭爭一擲醉中輪却小蓬山
夜深仙犬吠花關私過雲英與玉環天上看來偷律重玉桃一顆謫人間
掃斷紅霞陌上塵青鸞白鳳在仙真吹笙擗藥皆斯品要作蓬山鳥坐人

光碧堂前催賜衣，少年夫女弱腰圍。而今花樣新奇甚，不用銀河織錦機。
托龍君超爲覓仙源隱居詩以寄之

雲石村中且卜廬，憑君爲買一峯餘。全栽芝朮爲疆界，盡寫雲嵐入券書。
門對仙童澆藥地，巷通毛女浣花渠。閑中每愛天台去，好與劉晨間屋居。
竹枝詞四首時阻風安鄉河中

一溪纔順一溪灣，一尺纔過一丈還。船子已愁箭括水，兒童又指帽兒山。
諺云黃山戴帽必風，雨河名一箭河水勢甚急。

蘆花枝上水痕新，南市東村打白鱗。吳在梁山背面，梁山何苦不離人。
武夷葱翠獨稱梁，正望黃山一點蒼。三日風頭兩日雨，謝公昨夜拜梁王。
黃山有謝公祠，梁山神卽漢梁松也，俗呼爲梁王。

儂家生長在河干，夫婿如魚不去灘。冬夜趁霜春趁水，蘆花被底一生寒。
初冬夜同郝公琰龔散木閒譚

雲樹蕭然丈石居，清瑩遙夜薦霜蔬。佳言屢似飛香屑，往事真如釋故書。
窗外影閒雙睡鶴，燈前手冷一編魚。寒花瘦竹差相得，白首承明夢亦疎。

乙巳元日

湖柳侵街水接門東風纈纈澹微温久乘下澤無官韻乍着紅衫有摺痕
皓首頽顏俱入市碧芽新鳥又成村歸來且坐梅花下倒却鵝黃四五罇

登華錄二首

洗頭盆下擷芝苗古洞深松話寂寥仙迹久湮無後輩遊人逆數卽前朝
身輕眼豁腸皆換月冷烟清夢亦遙見說乳泉甘似酒捫蘿親與試雲瓢
玉井前頭乳穴重奚兒聊以一甌從空崖壁冷長留雪古屋雲昏尚鎖龍
明月自升千尺嶺道人閒說五株松瀑簾洞下真層是占斷林泉是此峯

表儀制中道

中道字小修中郎之弟也少於中郎兩歲十歲餘著黃山雪二賦五千餘
言長而通輕俠游于酒人以豪傑自命視妻子如鹿豕之相聚視鄉里小
兒如牛馬之尾行而不可與一日居也泛舟西陵走馬塞上窮覽燕趙齊
魯吳越之地足跡幾半天下而詩文亦因以日進歸而學於李龍湖有志
出世操觚應舉懷利必切泥之歎久之數困鎖院而兩兄皆撫仕流離世
故有憂生之嗟萬曆丙辰始舉進士授徽州府教授遷國子博士乞南得
禮部儀制歷官郎中旋復乞休以疾卒年五十有四小修嘗自叙珂雪齋

集謂其詩文不及古人者有五欲付之一炬而名根未忘不忍棄擲又謂出世則以超悟讓人退而修香光之業用世則以經濟讓人退而居仕隱之間修詞則以經國垂世讓人姑存其緒言以當過雁之一唳皆實語也余嘗語小修子之詩文有才多之患若游覽諸記放筆芟薙去其強半傾可追配古人小修曰善哉子能之我不能也吾嘗自患決河放溜發揮有餘淘鍊無功子能爲我芟薙序而傳之無使有後世誰定吾文之感不亦可乎小修之通懷樂善若此而余逡巡未果實自媿其言小修又嘗告余杜之秋興白之長恨歌元之連昌宮詞皆千古絕調文章之元氣也楚人何知妄加評竄吾與子當昌言擊排照出手眼無令後生墮彼雲霧蓋小修兄弟開師承議論如此而今之持論者夷公安於竟陵等而排之不亦過乎小修子祈年字未央余改字曰田祖出爲後於伯修舉鄉書詩筆有家風秀而不實余深痛之

入城道中

山北山南自隱藏閒心又逐馬蹄忙綠禾畦裏流聲細青艸湖邊雨氣香柳市特來尋萬子柴車到處指何郎春深剩有繁華地處處東風發練棠

武昌坐李龍潭邸中

比來三食武昌魚，今日重留辭者居。我有弟兄皆慕道，君多任俠獨憐予。
尊前鸚鵡人如在，樓上元龍傲不除。芳艸封天波似雪，捲簾對雨讀新書。

郢中遊春曲二首

總以堂堂去何客，綏綏綏綏隔溪鶯。對語涼水燕雙飛，野艸香沾屐。修篁翠
濕衣，山花一樹好遊女。采來稀，春在畫橋頭。殷紅照碧流，幾回看去馬一笑。蕩輕舟，夜月梨花夢春風。燕
子愁願爲原上艸，歲歲藉芳遊。

繡林阻風遠望

雨中新柳淨江頭，燕子穿花立釣舟。東去湖湘多大澤，春來天地少安流。
南平驛路何時盡，北渚風烟渺自愁。石壁沉沉收落日，一痕漁火動沙洲。

阻風登晴川閣予兩度遊此皆以不第歸

苦向白頭浪裏行，青山也識舊書生。相逢誰勝黃江夏，不死差強爾正平。
天外雲山金口驛，雨中楊柳武昌城。漢濱父老今安在，只合依他隱姓名。

麻城道中二首

天雨乍霽雲乍拆馬首諸山齊獻碧崢嶸突兀何處峯淡雅鮮妍可憐色
長途遙遙無止息北風夜起轉愁絕馬鈴當當送殘日烏鴉千點古壇側
我有新愁寫不得

山骨鱗鱗忽起脊中間尺餘馬蹄跡只道山石碎馬蹄誰知馬蹄能穿石
莫言此石太辛苦南山石闕北邙土石深一寸土無數馬上見郎方笑語

詠懷四首

大堤有垂楊鬱鬱垂新綠北風一以至蒼然換故本四時道推遷時光亦
何速人生貴適意胡乃自局促歡娛極歡娛聲色窮世欲寂寞寄寂寞被
髮入空谷胡爲逐紅塵泛泛復碌碌

龍山有佳木採之以爲船隆隆若浮屋軒窗開兩偏粉壁圓扇潔繡柱水
龍蟠中設棐木几書史列其間茶鐺與酒曰一一皆精如歌童曰五人鼓
吹一部金囊中何所有絲串十萬錢已饒清美酒更辦四時鮮攜我同心友
發自沙市邊過山蹣芳屐逢花開綺筵廣陵玩瓊花中冷吸清泉洞庭七
十二處處盡追攀曲盡方移去否則復留連無目不散宴如此卒餘年
大連無終盡細柳不常灼金樽盛美酒鬱鬱胡不樂以手摸頭顙隆隆一

且骨暫時屬我身誰知非我物轉盼忽如電微軀最一木烏鴉鳴其上青
蛙叫其足白蟻如白絮行行相蝕駭

世道交相喪忠義邇代出勳蟲矜名子禍來空歎息事機多倚伏藏身亦
何拙人皆種香蘭我獨種荆棘香蘭有人鋤荆棘老道側

小竹林贈別傅叔膚

鹿牀深處且從容吾子風流不易逢張緒通身如嫩柳謝郎五字似芙蓉
月來池上花光淨雨過園林竹露濃若使前生非大士如何一見問空宗

初逢中郎真州

龍子拋殘豆鴉雛厭故枝有官君尚棄失路我何悲月下詩千首花前酒
一卮飄零終不恨同氣足相知

讀子瞻集書呈中郎

登朝便與禍相粘塵世功名到底甜直到海南天盡處桄榔樹下憶陶潛
述別爲丘長孺

哀哀一孤鴻飛急向東逝傷哉金石交三載乃相遇相遇能幾何一見不
復雙子尚滯西陵我遂往靈江靈江不忍別復有攝山行攝山不忍別遂

予至冶城不忍別十日淹江頭飲子清冷酒臥子木蘭舟酸心一夜
風舉目三千路別矣可奈何含淚入城去

贈別梅子馬督木北上

名士安卑官居然有任意入甲豈非龍何必垂天翅祝融不受職朝廷多
災異我上抹時策官不錄二字書生徒苦報國恨無地今爾督木來勾當
公家事奔走莫云勞小大皆朝吏十月策薊薊相率同一醉官散束縛輕
何妨入酒肆一傾三百杯陶然臥壺次萬里從茲行天風捲雪至

美人臨鏡

薤葉依稀印香繩取次鬆睡眸猶少力酒暈不銷濃髻就山爭出眉成月
又重若非形與影未必肯相容

諸陵月下送潘尚寶二首

野客無名祿奉常朱藤卓帽踏清光石橋印月深深雪松巖搖風暗暗香
官道馬嘶燈火密長陵鍾動履聲忙祠臣臨帶烟霄氣白髮鬢鬢尚墮郎
泉聲碎碎鳥關關並馬林中也自閑一縷靈光明御道萬重枝影暗深山笑
譚皆是天人際交誼寧居季孟間莫歎鼎湖龍去久丹臺君是舊仙班

莫春長安郊遊二首

莫春春始徧長安楊柳青青拂水端若似江南春太早而今那得嫩條看
水亭箕坐兩三人湖面晶晶柳帶新夜色遠來休道去忍將白水換紅塵
得勝門淨業寺看水同黃慎軒兄弟

南人得水便忘憂雨日三番水際遊花露沾衣濃似雨潭風著面冷如秋
拖莎帶荇流何急擲雁拋鳬浪未休天外畫橋橋上柳抵疑身在望湖樓
高梁橋

覓寺休辭遠逢僧不厭多一泓春水疾十里柳風和香霧迷車騎花枝耀
綺羅半生塵土胃滌浣賴清波

西遊

彎環窮野徑忽到水中央唼雨魚兒集梢波燕子忙馬來沙耀雪人坐柳
粘香爲愛溪流急移尊向石梁

晨起

醉境直連夢朦朧暗自猜行堦方識雨訊客始知雷濕柳數聲滴落花
奈聞向人曾乞竹宜起此時哉

長安道上醉歸

天街十里霧濛濛醉後依稀似夢中
栖樹寒鴉一背月
繡轡騎馬四蹄風
棕櫚暗暗藏禪寺鈴柝沉沉護漢宮
訊罷騶人無一事
流星如火耀晴空

別顧太史開雍時冊封周藩取道回吳

細雨沾長道垂條濕去旌
時平天使貴官冷客裝輕泛月來沙海踏花渡
柳城風塵還着眼亦自有侯嬴

送丘長孺南還二首

丈人情性武人裝
開帶花衫大羽囊
鬣毛典日重出塞
臂鷹拳犬復還鄉
身穿通邑千人看
馬度秋原百鳥藏
前途久留滯吳姬
釀酒待君嘗
杖君爲我解愁腸
九夏銷來閃電光
梵寺看花三日雨
射堂蹋月五更霜
譚宵徹曉寧辭倦
醉死重生不計場
今日飄零南北去
夢魂常繞紫遊韁

西陵別顧軒居士還蜀

霜楓如雨灑征衣
勝侶而今會漸稀
帝子已安仙客去
鶴羣無主道人歸
薄薄水學蠶頭法
片片雲呈麀尾機
不是倚門親在舍
西陵那忍遽分飛

入村

出郭方知霧登舟始辨風水生蝦眼赤霞過雁翎紅浣渚喧遊女蘆洲息
釣翁人家蒼翠裡鮮豔一枝楓漁人云蝦眼赤則水漲

質當谷暑中卽事

只許山僧對此君柴門久已斷人羣梅花與裡孤筇不
是寒灰是冷雪
二俱高僧

七夕同彭長卿中郎

清譚閒送可憐宵竹戶斜通宛轉橋白水青林秋澹澹好風涼月夜蕭蕭
貧來冶客傷時序老去詩人怨寂寥驚鳥不鳴更漏靜如聞銀浦弄輕潮

別陳孝廉

同是蕭條易水年兩人幕府共牀眠山游且學鄒從事米價難支白樂天
杯裡楊花胡地雪夢中芳艸錦城烟陸郎已上斑駁去帶艸離離伴鄭玄

投贈太保塞令公六首

三朝元老帝長城胸貯雄邊百萬兵太尉領軍陪漢相上公分陝護周京
卿雲不散投戈色夜雨猶聞洗甲聲白袷青編無一事蕭然還是舊書生
天家鎖鑰重漁陽親遣元臣鎮塞荒白日扇中塵屬國青山幕底拜降王

驚花煖送千門雨，介冑寒生六月霜。
身事累朝聞社稷，中宵私語跪焚香。
塞北重欣借寇君，琵琶曲裏奏功勛。
校書百帖高連屋，種柳千行翠入雲。
魯國到門諸弟子，漁陽迴席舊將軍。
太干銷盡干戈氣，閒却袁家倚馬文。
太保曾督學山東。

早年節鉞便登壇，歷盡羊腸幾百盤。
怒擲千金酋長哭，密誅三校悍兵安。
梧楸局外吹毛易，劒戟林中任事難。
白髮老臣憂世道，艱危未必是呼韓。
戟枝入樹帶春鶯，坐看邊烽雨後清。
萬卷每同袁伯業，千杯不讓鄭康成。
山程易逐登臨暇，月夜常聞函道聲。
三台虛上相商書，尺一要求迎屹然。
全似魯靈光虎踞，龍蟠狐兔藏處世。
心同羊叔子，立朝歲比郭汾陽。
止將文酒銷戎隙，懶把笙歌貯畫堂。
擬報國恩歸未得，夢中常到午橋莊。

感懷詩五首

步出君庸關，水石響笙箏。
北風震土木，吹石走路衢。
蹀躞上谷馬，調笑雲中姝。
囊中何所有，綫筆注陰符。
馬上何所有，腰帶五石弧。
雁門太守賢，琵琶爲客娛。
大醉斫案起，一笑捋其鬚。
振衣恒山頂，拭眼望匈奴。
惟見沙浩浩，羣山向海趨。
夜過虎風口，馬踏萬松株。
我有安邊策，譚笑靖封狐。
上書

金商門傍人笑我迂

輕帆止江淮家山在烟霧振衣入郭門城池已非故朱門湧清波長堤亘
衢路手植門前柳蔚蔽成高樹道逢小兒子長揖向阿父入門眷屬驚猛
犬信信怒昔時攜手人大半先朝露感舊有餘悲歎逝傷情懷

山村松樹裏欲建三層樓上層以靜息焚香學董修中層貯書籍松風鳴
颼颼右手持淨名左手持莊周下層貯妓樂置酒召冶遊四角散名香中
央發清謳聞歌心已醉欲去轄先投房中有小妓其名喚莫愁七盤能妙
舞百轉弄珠喉平時不見客騎貴坐上頭今日樂莫樂請出彈箏篴

昔時舊酒人傾尊定酒帥一吸百餘盞酒徒皆羅拜是夜月如畫大堤共
子邁狂歌若奔雷長江吼滂湃居民不得眠親黨皆噴怪精悍在而顏零
落舊壇會回首憶當年昨指以自戒

鳳神緣戢羽驕走爲遺香如何英靈士耿耿露寒芒激鍛多大韻搏黍見
顛狂世路雖嶮巇藏身亦乖方山北與山南白石可爲相流連塵網中哀
哉罹禍殃回首伍松喬譴易折毫芒惟有聰明泉流水常湯湯發言潛寶
契一室開蒙莊書存人已往撫卷有餘傷

初秋三首

微涼宿陰林，頓覺煩暑退。登臺對清池，過壑停鵲背。靜夜發肅歌，隣犬數聲吠。

亭上人正醉，池中鶴正睡。浩露漸泮林，鵲驚人亦去。

水氣抱柴扉，林陰夜寥廓。風至如有人，芭蕉一聲裂。暗暗梅花廊，殘月如凝雪。

蔣墅晚發

宿病塵塵減，新秋漸漸涼。月寒千畝濕，樹暗幾家藏。近岫隨烟沒，良苗帶水香。搔搔渾不住，夢裡過朱方。

九日登中郎沙市宅上三層樓

滿眼傷心處，誰能上此樓。林烟迷蜀道，帆影識吳舟。覲北人何在，江南州又秋。茱萸空到手，欲插淚先流。

別漢陽王章甫

粘人濁浪濺征衣，驚雁那堪兩處飛。君爲友朋真不薄，我亡兄弟欲何依。易林浦上殷勤別，青艸湖頭痛哭歸。皓首相莊無異約，入山同采首陽薇。

由州市至漢口小河舟中雜咏二首

陵谷千年變川原未可分長湖百里水中有楚王墳
目算黑雲生且依龍口任小舟裙作帆笑語過湖去

漢陽感舊

泊天白浪淨無塵惟有孤鸞塞去津芳艸偏憐衡處士
桃花不夢息夫人江頭鼓柁機全息漢上題襟迹已陳
屈指光陰今二紀無情癡淚漫沾襟志載漢陽有桃花
夫人廟卽息夫人也

再遊黃鶴樓

買看山水興猶清關逐兒童樓上行窗外鐘聲大別寺
杯中堞影漢陽城峰連建業何曾斷浪接瀟湘總未平
小艇犯濤如履地果然水戰利南兵襄中懷先兄中郎

五嶽同遊誓未忘一藤獨往淚千行青山到處悲王粲
明月曾經照謝莊蘇嶺雲開濃似黛湘江春漲沸如湯
尋思舊日經行處鳥語花飛總斷腸土音宜樓并謝公
巖皆此中佳處

太和山中雜咏

靈境經年入夢魂不知何處更稱尊山爲函夏諸丘長帝是軒轅有道孫
楚澤秦川羅下界日兄月姊貯天門晴空萬里塵氛淨一縷卿雲玉座存
病中漫興八首

家計雖貧未奪簪近來多病遂閒居撫琴一室山皆響况學頻年艸似書
自散鉢齋供慧鳥新敷盆藻護文魚小勞亦是誦身法雨後園蔬手自鋤
山園十畝半新篁嫁藁蔬葵也似忙豈以心灰分去住總緣身病決行藏
空階月灑花枝雪靜夜寒添鵲背霜歌扇舞裙都委却那伽妙定一爐香
青苔冷冷照柴扉也有閒人伴息機聚柏先生移錫至烟波老叟擲綸歸
玄言不怕知音少碧落從來屢本稀燕雀相逢堪自得懶隨黃鶴薄天飛
艷隕芳銷春又秋雁王鹿女共夷猶偶穿竹葉烟中徑來坐梅花水上樓
冷石烟汀鷗鳥夢金題玉詠蠹齋遊亦從藥裹關心後閒却湖邊小釣舟
風篁能笑亦能言玄對經年靜掩門定裡空書懲往事老來夢與念深思
雄心已逐烟雲散綺習猶餘筆硯存春水桃花還有興一函先達武陵源
塵事何曾掛笑顚閒時一杖步花茵無才永定山中計有病催成道者身
冒雪出雲朝絮絮殘霞還日夜鱗鱗近來微有安心處調象如今漸已馴

綠琴入匣任塵封老去逃人興轉濃爲氏由來譏畫虎葉公原不愛真龍
明聽谷口懸雷瀑細數山前破墨峯知已可憐凋喪盡盤桓空對一株松
世緣終淺道情深况是頭顱老漸侵白社六時銷晚節朱陵四擇悟良箴
雕沙畫石他生習點雪消水近日心膚骨總宜雙淡漠不妨皓首寄珠林天
台家有思公朱陵四擇語重說法也

燈下有感

幾同揮麈話無生青李何妨一寄身越射隴游悲世路南箕北斗歎交情
衝風中燭花難結凍雨侵香穗不成野老看來存古意丹雞白犬締新盟
園居

潦州支塵事閒僧不用邀聞山皆欲去愛雪只愁消春近忙移樹溪平好
作橋詩文三百卷全似託由瓢

閒步

舟居翻愛步三里傍江斜山雨猶藏樹溪風忽聚花穿雲閒揀石折竹坐
書沙望望天桃色層城一片霞

入村

好似催耕鳥。時一度來煩心。隨水息睡。眠得松開。古屋深黃。葉間窗照紫苔。今年春色晚。池上未舒梅。

別須水部日華還朝

移沙取石貯輕舟。清冷何曾似宦遊。春雪歌成辭郢里。梅花落盡別揚州。東風自護桓公樹。明月誰登庾信樓。兄弟凋殘知己別。枇杷門外淚交流。

訪蘇潛夫於小龍湖賦贈

春土添花徑。防湖漲柳渠。黃蘆親睡鴨。碧水伴嬉魚。沼壘知臨帖。松鱗驗著書。重追宗炳跡。新築臥遊居。宗少文築室三湖

居沮漳有懷郡伯吳表海先生

沮漳江上作漁翁。鈴閣猶遲一紙通。白社有心邀范甯。青山無路伴羊公。春風夏雨酬南國。嵐字烟書遍渚宮。試看停車親種柳。于今搖曳大堤東。

三湖泛舟

晚風自送小船行。行過荻蒲乍有聲。共指遠林獵火起。不知月向此中生。

遊山偶與客語成句

逢山即便遊。不必匆忙去。四十餘年忙所忙。成何事。

海澱李戚畹園四首

滿目塵沙塞路蹊，夢魂久已憶山棲。誰知烟水清溪曲，只在天都紫陌西。
鎮日浮舟穿柳澗，有時調馬出花畦。到來賓主紛相失，總似仙源徑易迷。
沉綠殷紅醉曉暉，入林花雨潤羅衣。盤雲只覺山無蒂，噴雪還疑水有機。
遂與江湖爭浩淼，可憐原隰總芳菲。何妨攜僕同栖宿，烟月留人詎忍歸。
追隨鷺羽到山阿，梓澤蘭亭未許過。移得好花通捺苑，引來飛瀑似銀河。
微風嘯徹捎雲口，輕雨香添帶露荷。野逸繁華都不礙，纔聞灌木又聽歌。
烟雲總見已顛狂，把臂深林趣更长。語鳥自能清熱惱，流泉端的洗塵忙。
石無甲乙皆呈怪，花有新陳不斷香。尺五天邊饒洞府，懶隨逸少問金堂。

宋西寧席上作

林樾真無暑，追隨竟夜留。荷花爲塵尾，酒案代遊舟。霞布依城寺，烟縈映
水樓。主人多勝韻，才子漢通侯。御河不敢用舟以釀酒者，盛水之案如長
盆，可坐十人名曰酒案。

渡黃河

如雪寒沙十里平，猛風雖盡浪猶驚。草經青女全無色，雁過黃河別有聲。

騎馬久無浮宅夢倚蓬忽動蕩舟情可憐廣武山常在寂寞誰知豎子名
病餘偶成

身入羶途已二年銅烏蓄口龍譚禪浮名應作高官障多病翻成靜者緣
風過蔬畦交薤字雨清石徑盛苔錢昨宵忽作家園夢笑上車湖舊釣船
由蕪湖入新安道上四首

春水平田鷺一羣黃花陌上野香薰若爲雨露猶屯霧總以松多易染雲
洞拂古莎來鹿父原留新跡過山君馬蹄閒踏蕭森影夜月朝曦兩不分
長途一縷蝕山腰巖至時逢伐木樵地僻乍存三兩戶溪多何止百千橋
小園處處花相接遠岫重重雪未消半壁已驚千丈落登峯猶自路迢迢
幾迴披葉與穿花千役登臨望已奔驛路只隨晴雪去山程常被晚雲遮
何村不是王官谷到處堪爲處士家石罅鱗鱗溪練疾故將竹筏代遊槎
春鳥啼來不諳名桃花叢裡吠尨清欲登山塔都無路未見溪河先有聲
聚葉幾何人亦住頰頭直上馬猶行巉巖滿目餘阡陌處處樵蘇間耦耕
舟次宿遷聞遶左信送眷屬南歸示兒子祈年二首

北風吹水撼孤城送子南歸百感生白首登朝逢禍亂黑頭失意過清平

兩衝濤浪還湘浦我逐干戈走帝京千古表家稱大族祗緣歷代有忠貞
牽衣念汝拜頻頻骨肉分飛淚滿巾家值萍飄須長子時當板蕩要忠臣
駸波欲返南歸客寒雁猶憐北去人不似大蘇遷謫日斜川尚得侍昏晨

雷簡討思需

思需字何思夷陵州人萬曆辛丑進士選翰林庶吉士授簡討庚戌分考
會試請告歸卒於家何思好學問通禪理講經世出世之法其宗指在江
陵內江之間已酉出典闕試所撰程策頗見大意惜其未試而沒庚戌間
中高陽公得余五策以示何思首策訟言江陵社稷之功而詆譏紹述者
何思曰楚人不敢言也非楚人不能知也吳士有錢受之者其人通博好
持大議得無是乎高陽撤棘告余歎何思能知人也何思與袁氏兄弟善
當公安掃除俗學公襲其風流信心放筆以刊落秣撥爲能事而不知約
之以禮石首皆可前字退如何思之同年也其詩亦彷彿何思天啟壬戌
閩人鄭之玄亦入史館聞楚之風而悅之其趨愈下小修所謂學語效顰
鳥焉三寫者正謂此也何思集其門生鍾惺所論次余錄其詩附二表之
後以見公安之末流如此餘人則盡削不載

春興二首

信是夷陵春色好，高唐倏盡見虛空。秦灰漢壘千年跡，白糝紅酣兩岸風。
天外晴山朝霧裏，城頭水戩陽中畫船直。上南津口釣艇時來西塞東，
消得天厨書幾緘。朝朝騎馬看烟嵐，三年半在香山寺。十月曾探滴水巖，
清井北游春淡淡。渾河西上石巉巖，松風獨愛陶貞白。官是蓬萊最後衙，

臨懷素墨蹟

鷗羣鶴侶道人閒，只住青葱竹栢間。欲買小庄先問水，但逢佳客勸登山。
深林不放雲輕出，野艇常邀月共還。家有懷公願墨在，臨時多染醉毫斑。
和曾退如見懷

漢宮引

入朝歸野不同時，薊北江南總繫思。郭有青山看竹好，門臨流水得魚遲。
君遊何處多題句，我到懸崖半寫碑。終日借書兼借畫，莫將紙字讀成詩。
少年宮女那曾愁，相送琵琶學泪流。姊妹大來閒話舊，才人多少怨箏篴。
明妃塞上已青塚，我輩宮中也白頭。

青溪龍女洞

欲買青谿谿上田。絕憐龍女住寒泉。須知成佛文殊後。莫更投書柳毅前。
嶺外獼猴閒出定。洞中蝙蝠解安禪。茅庵結得經行久。應向人間作水仙。

贈劉七

劉郎讀書王郎館。酒到看花興到詩。無事過余談竟日。竹邊雙雀立多時。

雁至

去燕新辭主。來鴻舊作賓。江空今夜月。家遠隔年身。結伴多依水。將書只
寫人。如何白翎雀。歲歲北山春。

有所思

何用遺君玳瑁簪。雙珠明月照同心。原來得自鰲人室。說到相思淚不禁。

北郊鷹房

遼城金壘古鷹房。羊角風沙接大荒。野窟舊無狐兔跡。小池今有芰荷香。
黃鸝獨語遮深柳。粉蝶叢飛戀短牆。千古幽州還禹甸。卜年開統憶光皇。

鍾提學惺

惺字伯敬。竟陵人。萬曆庚戌進士。授行人。遷南京禮部祠祭主事。歷儀制
郎中。以僉事提學福建。丁憂歸。卒。子家伯敬。少負才藻。有聲公車。開羅第。

之後思別出手眼另立深幽孤峭之宗以驅駕古人之上而同里有譚生
元春爲之應和海內稱詩者靡然從之謂之鍾譚體譬之春秋之世天下
無王桓文不作宋襄徐偃德涼力薄起而執會盟之柄天下莫敢以爲非
伯也數年之後所撰古今詩歸盛行於世承學之士家置一編奉之如尼
丘之刪定而寡陋無稽錯繆疊出稍知古學者咸能挾筴以攻其短詩歸
出而鍾譚之底蘊畢露清澹之盈於是乎惘然無餘地矣當其創獲之初
亦嘗覃思苦心尋味古人之微言與旨少有一知半見掠影希光以求絕
出於時俗久之見日益僻瞻目益粗舉古人之高文大篇鋪陳排比皆以
爲繁蕪熟爛胥欲掃而刊之而惟其僻見之是師其所謂深幽孤峭者如
木客之清吟如幽獨君之冥語如夢而入鼠穴如幻而之鬼國浸淫三十
餘年風移俗易滔滔不返余嘗論近代之詩挾撻洗削以淒聲寒魄爲致
此鬼趣也尖新割剝以喑音促節爲能此兵象也鬼氣幽兵氣殺著見于
文章而國運從之以一二輕才寡學之士衡操斯文之柄而徵兆國家之
盛衰可勝歎哉可勝悼哉鍾之才固優于譚江行非體其赴公車之作入
蜀諸詩其初第之作習氣未深聲調猶在余得采而錄之唐天寶之樂章

曲終繁聲名爲入破鍾譚之類豈亦五行志所謂詩妖者乎余豈忍以蚓
竅之音爲關雎之亂哉

九灣

若非踏今塗昨日險亦足果然僂層峻蛇鬼猶躑躅兩崖窮登頓相對不
去囑稍焉歷其顛許身已平陸俯仰前後視乃知多岸谷足跡信延袤目
境自蹙縮鴻飛已青冥目翮猶遭觸深薄警營魄幽幻豁心目

雨發九灣至歸州

亂山無清曉雲水但稠濁累日行重嵐叢密何由豁安知茲壁外不有朝
暾躍頽雲初離洞流出將焉託嶺半一人家如鳥巢阿閭人語向空濛烟
火出冥漠隔江望秭歸陽見井郭胡爲旣濟後昏暮猶墟落

瞿唐

至此始稱峽岸東江齟齬江勢有往還前山幾茹吐兩崖何所爭終古常
相拒水石日夜戾無所而怒灑頽根孤危悍流不能去立石如堵墻中
劈才一縷岸迴不見江行無乃迂舟過其隙中乃知此其戶還顧始自
失憮然驚徒旅

西陵峽

過此卽大江峽亦終於此前途豈不夷未達一間耳辟入大都城而門不容軌虎方錯其牙黃牛喘未已舟進却湍中如狼窺其尾虎牙狼尾灘各當其險夷交跳伏正相踣回首黃陵沒此身才出縣不知何心魂禁此七百里夢者入鐵圍醒猶忘在几賴茲歷奇興得悟垂堂理

北固夜歸

遊遲異晚天晚際反淒妍好月下山路順風端浦船雲濤孤棹外市場半燈還回首蒼蒼處金焦在亂烟

寄懷表兄王幼振兼邀枉過

病來疎舊友老至念周親五十餘中表存亡凡幾人回頭梨栗日彈指杖輿身莫悔前時濶從今相過頻

沈雨若自常熟過訪

時喜得受之書

見君疑舊識不必故人書所念久離別欣聞近起居朋來鴻雁後雨止菊花初得問虞山樹寒紅三月如

月下新桐喜徐元歎至

是物多妨月，桐陰殊不然。長如晨露引，不隔晚涼天。綠滿清虛內，光生幽
獨邊。懷新君亦爾，到在夕陽先。

墜蟬

有蟬蟻共持之茂之解焉

神潔誠難辱，居高未免危。又非逢臂怒，遂致折肱悲。嗟爾能無廢，隄防似
亦遲。幸災孽小，急處過一身知命已看如蜺。心猶惜此綏結纓，懷鄙志捐
網荷弘慈。弓餌煩相警，環珠恥見遺。寒宵深抱葉，賤子報恩時。

宿浦口周生池館

江邊事事作山家，復有山齋著水涯。一壑陰晴生草樹，六時喧寂在鶯花。
潮尋故步沙頻失，烟疊新痕嶺若加。信宿也知酬對淺，暫將心迹寄幽遐。

花山禮銅殿

一路陰晴屢不分，山中風候易紛紛。村過數日無紅葉，江近雙峯似白雲。
蛇虎夜深求懺度，鼓鐘人定示聲聞。可憐世外僧經濟，金火須臾歷劫勲。

江行俳體十二首

五載前曾說此遊，問程結伴幾春秋。艱難水陸千餘里，大小關梁六易舟。
畏路刺船頻裸體，乘流開柁緩梳頭。順風一日行三日，莫待依灘怨石尤。

虛船也復戒偷關枉殺西風盡日滯舟臥夢啼醒見水江行怨泊快看山
弘羊半自儒生出餒虎空傳稅使還迂道計臣心轉細官錢曾未漏漁蠻
巴舩吳榜簇江干市僧村倡半倚灘繫繫橫橫振鄉閭閱投單例辦散衣冠
女兒編竹成長纜乞千施竿覓刺盤小金羣炊如侯代奚奴亭午未朝餐
江鄉漲後指荒郊木杪魚醫俯雀巢處處葑田催種麥家家竹瓦代誅茅
岸容霜老菰蒲禿水氣晴粘艸樹交快舫蝕波纔寸許急湍底復怨舟膠
日日移家處處隣吳頭楚尾半波臣吾師嚼米餐烏鬼舟僕偷錢買白鱗
鴉食肉能謀底事獺銜魚欲祭何神黃頭見我詢潮步笑是潯陽始過人
羞從狐鼠叙行踪隨例輸錢買印封半月員程過一月杪冬孤艇發初冬持
符官卒尊於吏附舶儒生賤似傭估客孝廉陽不問胡林指顧太從容
村烟城樹遠依依解指青溪與翠微風送白魚爭入市江過黃鵠漸多磯
家從久念方驚別地喜初來也似歸廷日江南新漲後稻蝦難比往年肥
小聚星晨屢斷連山椒一縷露人烟土音偏不移難犬市暨通行雜鈔錢摩
國火耕兼水縣霜林棗地接楓天時艱夜禁明書檄撥刺更更響釣船
土風何異竟陵城木代平田細代耕放去鷺鷥偏認王教成馴獺聽呼名

狂書鳥過沙留譜
嚙語鳥眠夜作聲
奴子入吳學細唾
僂音偷舌字全生
千門市火亂漁燈
銜尾官艘也繁營
屋宇隨春漲徒離
舟專候早潮升
清時間左表形緩
儉歲江東米價增
從客謀言新入洛
自稱前度到金陵
初褪金焦岸稍曉
斷虹嵌壁劍變城
嵐堆積翠深藏壑
雨隔殘紅半露巖
近海蜃晴朝列市
乘風魚背喜吹帆
新荷香過吳江水
思製瀟湘隱士衫
鳴榔打鼓算乘潮
借得官舟勝客船
奴子暫時聊意氣
朋從此日也逍遙
公然鷁首橫銀榜
無數漁賈避漁橈
睡醒却詢瓜步岸
長年前指廣陵橋

忠州霧泊

漁艇官舟曉泊同
蜀江愁霧不愁風
烟生野聚汀寒外
雲滿山城水氣中
曲岸川迴翻似盡
遙天峰沒却如空
依稀往日丹楓路
稍見霜前遠近紅

秋曉

清秋但覺曉猶清
起趁空明遠砌行
在竹露沾星下影
出林鴉帶夜來聲
烟隨雁亂孤光去
人語稀微衆動生
高枕側衣皆此際
紛然喧靜各爲情

秋夜集俞伯彭園池

閒園無意作衰天
水氣花陰事事然
霜後芙蓉猶有露
冬前楊柳暫爲烟

魚龍夜惜殘秋去烏鵲寒驚片月遷四序棲尋吾欲遍愛君不獨在林泉

鍾解元元春

元春字友夏竟陵人舉于鄉爲第一人再上公車勿于旅店與鍾伯敬共
定詩歸世所稱鍾譚者也鍾譚之疵病如上所陳亦已畧見一斑譚之才
力薄于鍾其學殖尤淺謏劣彌甚以俚率爲清真以僻澁爲幽峭作似了
了之語以爲意表之言不知求深而彌淺寫可解不解之景以爲物外
之象不知求新而轉陳無字不啞無句不謎無一篇章不破碎斷落一言
之內意義違反如隔燕吳數行之中詞旨蒙晦莫辨阡陌原其初豈無一
知半解游光掠影居然謂文外獨絕妙處不傳不自知其識之墮於魔而趣
之沈於鬼也已而名曰盛游日廣識下而心粗膽張而筆放遂欲秤量古
今牢籠宇宙詩歸之作金根繆解魯魚譌傳兔園老學究皆能指其疵陋
而舉世傳習奉爲金科玉條不亦悲乎世之論者曰鍾譚一出海內始知
性靈二字然則鍾譚未出海內之文人才士皆石人木偶乎曰極七子之
才致不過爲宋之陸放翁自南渡以迄隆萬將五百年亦皆石人木偶而
性靈獨倍發于鍾譚乎彼自是其一隅之見於古人之學所謂渾涵汪洋

千彙萬狀者未嘗過而問焉而承學之徒莫不喜其尖新樂其率易相與糊心眯目拍肩而從之以一言蔽其病曰不學而已亦以一言蔽從之者之病曰便於不說學而已天喪斯文餘分閭位竟陵之詩與西國之教三峯之禪旁午發作並爲孽于斯世後有傳洪範五行者固將大書特書著其事應豈過論哉伯敬爲余同年進士又介友夏以交于余皆相好也吳中少俊多訾訾鍾譚余深爲護惜虚心評騭往復良久不得已而昌言擊排吾友程孟陽之言曰詩之學自何李而變務於模擬聲調所謂以矜氣作之者也自鍾譚而晦競於僻澁蒙昧所謂以昏氣出之者也孟陽老於詩學其言最爲平允論近代之詩者衷之于孟陽斯可矣

洞庭湖

夏淺湖心伏不分天水非新帆隨數點好鳥擇邊飛日光難遍江洲氣盡歸客舟來此汎孤似嶽僧扉

瓶梅

入瓶過十日愁落幸開遲不借春風發全無夜雨欺香來清淨裏韻在寂寥時絕勝山中萬箇人或未知

隣舟詩贈鄒孟陽李繡仲

內外湖爭碧朝昏時覺遐友朋非一處山水作鄰家偶逐葑船散同隨漁火斜頻呼免相失橋隔是天涯

同李長蘅尋聞子將龍井山齋二首

楓色紅難已黃從翠處分偶然亂葉下風雨似同聞谷鳥臨寒路籬花開遠雲逢幽無一語心眼白氤氳
十里蒼蒼路非深亦覺遐陰晴澹山氣雞犬靜人家關迥生溪水坪香過
薜花紅黃光莫艷羣動豈無洲

友夏詩貧也非寒也薄也非瘦也僻也非幽也凡也非近也昧也非深也斷也非掉也亂也非變也蕪詞累句畧舉一二如擬讀曲歌云麗是儂家麗日噉儂家粥昔昔不吠歡儂私令噉肉夏夜古意云明月皎皎照羅幃羅花一一影香肌郎來諛妾肌生花取衣覆肌花在衣何其淫哇卑賤也隋大業鑊歌云鑊今不復鑊今以之焚香大損沈水何其但也聽青羊礪云太始有真意欽哉非雨聲用經義何其繆也歲添新事送月放衆生肥三吳士女俗萬古雨晴天眼光非亂射散作萬山

紅萬葉一色紅易終我愛黃邊綠邊紅何其鄙而倍也吳越楚閩沿習
成風如生人戴假面如白晝作鬼語而閩人有蔡復一字敬夫者宦遊
楚中召友夏致門下盡棄所學而學焉其詩云花心猶怯怯鶯語乍生
生未見胡然夢其占曰得書以日爲昏且其雲無古今居之僧尚髮
來者客能琴之乎其若逐字安排欽肅澹靜連章鋪比鍾譚之體家戶
傳習汲人以餓山吞日慙爲清詞吳士以花騎蝶過牆爲麗句滔滔不
返不至于橫流陸沉不但已也錄詩及此庸以別裁末流垂戒後學作
易者其有憂患乎世之君子亦可以諒我矣金陵張文寺曰伯敬入中
郎之室而思別出奇斤斤字句之間欲闢古人之祕以其道易天下多
見其不知量也友夏別立蹊徑特爲雕刻要其才情不奇故失之纖學
問不厚故失之陋性靈不貴故失之鬼風雅不適故失之鄙一言以蔽
之總之不讀書之病也吳門朱隗曰伯敬詩桃花少人事詆之者曰李
化獨當終日忙乎友夏詩秋聲半夜真則甲夜乙夜秋聲尚假乎雲子
本推服鍾譚而其言如此

思任字季重山陰人萬曆乙未進士知興平當塗青浦三縣表州推官所至皆被鐫降稍遷刑工二部出爲九江僉事罷歸卒季重有雋才居官通脫自放不事名檢性好譴浪居恒與狎客縱酒談笑大噓遇達官大吏疎放絕倒不能自禁好以詼諧爲文倣大明律製奕律吾以爲必傳枚臯郭舍人之流也亂後踉蹌避兵猶負一棋局以往遂死于山中季重爲詩才情爛熳無復持擇入鬼入魔惡道全出如天長道中云地嬾無文州天恩多暗雲雨泊云春霖逢翕蝶江浪柁餐豬快雨云荷靜香催噓樓疎氣破籠又如口占云烏紗實負青紗債腰痛何如脚痛輕陳眉公壽詩云帝欲見公公不見蒙方求我我何求中秋示兒云餅缺先誰嚼瓜圓是我期美人鬪艸圖云大娘誇十錦小妹賽三鮮打臂輕還褪羞頰罵復前有所思云儻得身相近應憐玉臂多此皆胡鉸釘張打油之所不爲也季重頗負時名自建旗鼓鍾譚之外又在一旁派也余痛加芟薙仍標舉之如此

宿天界寺

古寺白門邊寒風逗石烟松篁無俗徑鍾磬有諸天歲晚難爲客官閒易入禪燈殘僧別去清夢竹相憐